

甯

命

縣

志

穀

寧安縣志

物產

林產

滿語所謂窩集者譯言老林也古之沃沮勿吉皆窩集之轉音可見古時直以林產爲部落之名甯安境內羣山環帶森林豐富爲天然之利藪也所惜者交通不甚便利耳倘能敷以輕便鐵道縱貫於產林區域其利源之厚福我生民者蓋卽此一端已無盡藏矣茲略舉已領已辦已領未辦各林區分列於後其屬於國有

者尙未有精密之調查概予從闕

新輿圖並約略及之

二道海林河距城一百里林區二百方里所產黃花松柳楊榆柞楸等木由功立公司承領經理人爲王功臣合資本二萬元係民國四年二月開始砍伐現甚獲利

摩琳山距城一百里林區一百九十二方里所產同上由森茂公司承領經理人

爲李慶賡合資本二萬元係民國七年七月開始砍伐現甚獲利

二道海林河距城二百里林區二百方里所產同上由志誠公司承領經理人爲王助卿董事爲徐程九田象乾何紫齋張子莊孫雲峯合資本三萬元民國七年七月開始砍伐現甚獲利

二站距城一百五十里林區一百方里所產同上係民國五年五月經李盛鐸承領尙未砍伐

南湖頭距城一百里林區二百方里所產同上係民國五年五月經陸宗輿承領尙未砍伐

二龍山距城二百里林區二百方里所產同上經喬允中承領尙未砍伐

松蔭溝距城一百里林區一百六十五方里所產同上係民國九年經李樹生承領現未砍伐

二道老爺嶺距城三百里林區二百方里所產同上係民國九年經李均恆承領

尙未開採

石頭河距城一百里林區二百方里所產同上係民國九年王貞臣承領尙未開採

大小烟筒溝距城一百里林區一百五十方里所產同上係民國九年經馮克昌

報領尙未開採

以上新調查

爲承慶聯合資本三萬元林區七年七月開辦收稅項其權利

清海林河距離二百里林區二百方里其地均上由憲法公司承領經理人爲

王勳卿董事爲林區九項事務其制業並領年亞在實聯合資本三萬元民國七年

七月開始收稅項其權利

三站距離一百五十里林區一百方里所產同上係民國五年五月經李盛輝承

領尚未收稅

南滿洲距離一百里林區一百方里所產同上係民國五年五月經李盛輝承領

尚未收稅其權利

大木嶺距離一百里林區一百方里其地均上由憲法公司承領經理人爲

王勳卿董事爲林區九項事務其制業並領年亞在實聯合資本三萬元民國七年

七月開始收稅項其權利

三站距離一百五十里林區一百方里所產同上係民國五年五月經李盛輝承

甯安縣志

物產

鑛產

契丹志載女真地多金銀絕域紀略載甯古塔地中掘出舊鐵多正隆字樣正隆乃金主亮年號足證甯安在唐宋時卽有採冶之舉惜載籍無考其開採地點未能證明耳至元明兩朝著述涉及滿洲事實者更鮮遑言鑛務及有清崛起則以王業所興惑於形家望氣諸說持封禁主義迄乎清末始經人探得縣屬淺水溝五虎林金礦得官廳之准許開始採掘爲甯安鑛業之權輿茲舉其緣起暨晚近煤礦崖略俾邦人士得有考焉

甯安縣屬金鑛

淺水溝砂金鑛

此鑛在縣治西北約二百里清宣統二年十月據顧佩蘭稟請探勘並聲稱先集

資本吉錢一萬吊試辦八個月如有成效再行組織公司開採卽於是年十一月由省署核准發給勘照嗣因集資無多試辦未久卽行停工

五虎林砂金鑛

此鑛在縣治東北約一百三十里距中東鐵路之黃花甸站約七十里清光緒三十四年曾有俄人佔據私採經勸業道派員調查本鑛暨涼水泉子（屬穆稜縣）萬鹿溝（屬東甯）黃尼河子（屬密山）四處金鑛苗線均甚暢旺遂委候選通判張祖策爲東路鑛務調查員由吉林餉捐局一五經費項下借撥銀三千兩令持赴穆稜河設局辦理嗣改派魁福接辦復借撥銀二千兩其時局中用串票收金工人一名每半月收金二分嗣以收支不敷於宣統元年四月將局撤銷歸併勸業道辦理當由勸業道委羅斗才爲五虎林及涼水泉子鑛務調查員設局經徵官金宣統元年曾收入五虎林金四十兩零九錢四分萬鹿溝金十二兩八錢二分六釐涼水泉子金三十餘兩旋因出產漸薄不敷局費於民國二年停工嗣經

濟實業團接辦興隆溝金鑛時將五虎林涼水泉子兩鑛一同接辦終以資力不充未獲成效遂行停辦查本鑛所產金砂成色尙佳鑛地附近有富多密河河之東爲產金區域河之西爲產煤區域此外產金地點尙有北溝葦子溝烟筒碓子仙人泡四人溝白菜溝沙蘭站南湖頭金坑老爺嶺東淺毛柳樹河子土豆子溝等處前均經居民私採無一領照者 以上見鑛務記要

甯安縣屬煤鑛

樂家溝煤鑛

鑛距縣城四十里鑛區五十方里民國十一年經商人陳文達報領尙未開採

花臉溝煤鑛

鑛距縣城三十里鑛區三十方里民國十一年經商人陸蓉卿報領尙未開採

缸窰溝煤鑛

鑛距縣城四十里鑛區四十九里民國十一年經商人李浩然報領尙未開採

釘窰溝大屯煤礦

礦距縣城二十里礦區五十方里民國十一年經商人張榮昌報領尙未開採 以

上新調查

甯安縣志

物產

植物

木屬

松 山中最多種類不一結子者爲菓松無子者爲沙松脂多者爲油松砍伐地點南湖頭二站西溝頭二道海林河海林站北溝佛塔蜜西溝頭二道河子烟筒溝五道溝每年約出大木二萬棵銷長春大連天津等處

赤白松 理細氣香木之貴者凡產松之地點皆有每年約出壽木百餘具

黃蒿松 松枝葉如蒿生甯古塔石甸子上他處所無又有刺松其松多刺現無砍伐者

栢 甯安各山皆有惟少耳栢葉栢仁皆入藥

香樹 莖直叢生花黃山中最多可焚以祭神土人取以作香生近山石崖者有

節名竹節香根作箭砲頭極佳不可多得

桑 此地桑無多故無養蠶者耳皮入藥曰桑白皮

槩 山桑中爲弓材及車轆葉亦可飼蠶

榆 本地榆類甚多皆美材刺榆花榆尤佳刺榆大者中爲車軸一名軸榆唐風所謂山有樞者此也花榆理細宜爲几案凡榆臃腫處花紋尤盛可飾器用人多珍之凡小者多作枝柴每年約出一萬車銷於本地

槐 爾雅疏葉大而黑者名檉槐晝合夜開者名守宮槐細而青綠者謂之槐山中皆有之花入藥未開者名槐子可染色

杜 一名甘棠移接梨樹結實甚佳

青楊 葉大而圓採爲箭筈歲入貢今每年伐爲木柴約三萬車銷於本地

白楊 如青楊葉微小皮白本宜箭筈生於澤者多合抱剝爲槽盆性不燥裂歲入貢

樺 樹高舉如柳今呼槿柳大者可剝爲舟根可爲匏頭

柳 柶捲之屬多用之清代直長者採取入貢備帳房之用今伐爲枝柴每歲約出三萬車銷於本地

檉 河畔赤莖柳凡柳器之用亦爲燒柴

花槿柳 質堅緻可爲鎗桿蠟虫食之一名蠟條

樺 北史室韋傳用樺皮着屋按樺皮似山桃有花紋紫黑色可裹弓及鞍鐙諸物諸山皆有之而嫩江混同江之間尤多清內務府採樺木箭筈烏拉有樺皮屯設壯丁採皮充貢亦貢箭竿木包紋極細作碗亦佳又赫哲人以樺皮爲舟僅受三人携以入水游行便捷凡鑿器多用之不成材者均作燒柴每年約出五千車銷於本地

椴 葉大皮黑爲紋椴微赤者爲紫椴清內務府所貢椴板卽此質白者曰糠椴椴皮可作麻亦可製火鎗繩滿軍用之凡刻字器多用之不成材者爲燒柴

楸 類核桃樹其木可爲鎗桿及船槳每歲採取備用皮堅韌亦可束物成材本地多以做櫃箱棹椅等物

柎 爾雅謂之櫪皮理糾結質最堅俗呼紐筋子木大者爲車軸次於軸榆
柞 一名鑿子木高大堅實中爲車材皮黃充貢可染色木心黃朽者可爲火絨
黑龍江貢木火絨卽此今本地多用爲燒柴每年約出五千車銷於本地亦可養
爲木耳菜就山中砍倒迨三年後方生木耳

櫟 亦柞類一名柎質堅土人多以燒炭實名椽子蒂曰椽碗可染皂按椽葉染
烏佳今尙無月之者

椴 亦柎類不結實俗呼薄羅樹五月五日取葉裹麵蒸食之謂之薄羅餅
青剛柳 山中皆有之亦柞類材可爲弓

棟 赤者葉細中爲車輪白者葉圓木理堅緻可木椀刀柄之用

煖木 明一統志海州衛出或云卽葉葉木皮溫厚可墊鎗心包弓把細者可爲

鞭桿又薩哈連烏拉出小煖木形類杉松木質尤堅入水年久化爲安石可充砥礪之用其皮東西洋各國爲瓶塞之大宗用品

茶條 質堅可爲杖染皂爲大宗用品勝於橡斗

荆條 一云針荆成叢疏爽故又名楚一種葉圓花紫枝柔細可爲筐篋一種粗勁者名鐵荆條根亦可爲髀頭

楛 一名雉尾荆色赤中爲矢世傳肅慎氏楛矢卽此舊唐書韃靼傳有角弓矢及楛

山藤 木之類枝柔韌中爲鞭桿

老鶴眼 一名鼠李木堅緻有花紋子赤黑如鴉眼皮可染色

檫枌木 松漠紀聞檫枌木有紋縷可愛多用爲碗

黃楊 木堅難長大山間有之

棘 一名棗有赤白二種結子者名酸棗仁入藥不結子者爲牛棘俗呼出刺科

白椴 爾雅謂之椴木高五七尺堅緻可爲杖其果紅色核麻而扁仁入藥名麩仁

杜仲 山中有之皮薄不堪入藥

凍青 寄生樹下葉微圓子赤凌冬不凋青蔥可愛

雒常 晉書肅慎氏有樹名雒常皮可爲衣

果屬

松子 (宋會要)新羅出松子榛子松塔子(契丹國志)女真多產松實(一統志)諸山中最多率三歲之中一歲大收按本草松子出遼東及雲南今烏拉爾古塔山中最多採取入貢

榛子 香美甲於他省經荒火燒落者尤佳清內務府採取入貢

胡榛子 結子如榛殼大實小其木柔長

山櫛 (爾雅)曰杻槩梅土人呼爲山里紅

梨 (唐書)渤海傳果有樂遊之梨(一統志)醫巫閭山出香梨今甯古塔

諸山皆有惟不甚佳

桃 本地附近城鎮園中皆有又一種名壽仙桃多植盆中

李 諸山皆有種類不一

杏 甯古塔諸山皆有色味不佳

稠梨子 一名櫻額梨形如野葡萄而稍小色黑味甘澁

山定子 諸山皆有

棠梨 卽杜梨味甘酸不一有赤白二種

葡萄 園產者大而味佳有紫碧圓長之別山產者實小味酸有黑白二種并有

小而深黑者清時採取入貢

核桃

山核桃 生楸樹上形似胡桃而長殼堅厚內味頗佳

桑椹 味甘酸色紫黑

燈籠果 外垂絳囊中含赤子如朱纓俗呼紅姑娘

歐李子 柔條叢生高二尺許花碎白實如小李味酸澀

香瓜 卽甜瓜

西瓜 相傳種自回紇今種自雲南哈蜜來者味尤勝其味酸而子大者名打瓜
專取子充用

玉櫻 紅白相間其紅者曰朱櫻

枸橐子 形如麥實小味酸色紅

菱 一名芰色有紫有黑形有兩角三角四角

蓮實 小於建蓮可入藥

郁李 (爾雅) 謂之棠梨今多生山原間子如櫻桃仁入藥

伊爾哈穆昆 甯古塔諸山皆有叢生數寸莖端結果色黑味甘而酸置器中少
刻成水俗呼高麗果又名桃花水東巡附錄曰一作兒嚙木克花兒水也因色以

名碧華敷地實綴葉上淺紅而鮮望之如落花片片其味甘而多汁居人爭採食之 柳邊紀略又云桃花水草本狀若楊梅而無核色紅味甘質輕脆過手即敗五六月遍地皆是居人擇最多處設帳房或棚子釀分載酒男女各爲羣爭採食之明日又移他處食盡乃已 甯古塔紀略云草本紅藤生雜草中此甯安特產也

法佛哈 一名紅櫻卽白菱果

密孫烏什哈 木連綴而生形如櫻桃味微甘酸一名烏察拉齊

普盤 卽木苗(爾雅)謂之藟蔓生實如桑椹而短色紅味甘酸

無花果不花而實生於枝葉之上多植盆中

穀屬

穀 後漢書挹婁傳有五穀北史高麗傳人稅穀五石一統志穀有名西番者苗高如蜀黍穗如蒲高麗穀火紅色如雞冠高丈許實如拼欄子取粒作粥香美統

志穀米有大小二種最大者曰沙穀粒稍尖者名芝麻穀

梁 較穀米粒大兼有黃白青赤諸色白梁卽詩經之芑赤梁卽爾雅之麩今統曰梁

粟 新唐書黑水鞞鞞傳有粟麥今按古以米之有稭穀者爲粟今以穀之最細而四者爲粟穀曰飯穀米曰小米攷周禮九穀六穀之名有梁而粟則梁亦粟也今之小米色黃卽黃梁也前清甯古塔有梁地八千响每响以梁二斗爲賦粟秸八旗以上之官

稷 周禮職方氏東北曰幽州其穀宜三種黍稷稻北盟會編同州地宜稌黍明一統志作稌今呼糜子米晚種早熟邊地先宜

黍 稷之黏者爲黍今呼大黃米可釀酒米粉充貢

蜀黍 種始自蜀今呼高糧土人率多飯此漚爲米粉食品所珍歲以充貢又蜀黍入麵燒酒供祀私燒者禁黍楷有清工部壯丁交官

黏蜀黍 一種穀黃一種穀黑與蜀黍無異但性黏又一種蒼帚黍性亦黏穗長可爲帚

稻 新唐書渤海傳有盧城之稻按稻卽詩之稌有紅白二種出遼陽者色微青味尤香美號遼陽青近今甯古塔始有種水稻者

黏稻 卽糯米亦稱大米性黏味甘香按黏稻可釀酒亦可爲糲糲糗粿等食所用頗贍漚爲米粉食品尤珍 柳邊紀略甯古塔有黏稻用以造酒

秫 爾雅謂之衆色赤性黏今稱小黃米亦有色黑性黏者

小麥 北史勿吉傳土多粟麥稷按小麥卽詩之來甯古塔牡丹江南產者最佳其色赤江北產者其色黃赤色者麵粉多

大麥 卽詩之牟大小二麥夏無霧雨則收

蕎麥 伏種秋收甯古塔種者有最少更三四磨者白如雪

穉麥 有二種一類小麥而大一類大麥而小俗呼鈴鐘麥

稗 宜下濕地米最甘滑 絕域紀略甯古塔稗子惟貴人食之下此皆食粟曰粟有力也

稊稗 多生稊地味甘滑如種土人以爲種所化

玉蜀黍 莖葉似蜀黍籽藏包中俗呼爲包米

蘇 爾雅謂之桂荏今有紫白二種收籽榨油

脂蘇 卽油蘇俗呼芝蘇

蓖麻 子斑紅如牛蝨者可入藥踏花者俗名大麻子二種俱可榨油

火麻 雄曰象雌曰苴子曰暨可榨油皮漚之爲線麻

大豆 古謂之菽今分黑白黃褐青斑諸色

小豆 有黧白赤黃黑數種赤者入藥

綠豆 粒粗而深綠者爲上粒潤而淡綠者次之

豌豆 爾雅謂之戎菽遼史謂之回鶻豆今有大小二種

蠶豆 以蠶熟時有之按豆中惟此無枝蔓亦呼樹豆

豇豆 莢必雙生有紅白二種長而肥者作蔬皮薄者秋成食子名打豇

藟豆 色亦不一白者入藥

菜豆 如扁豆莢而長者可爲蔬

雲豆 種來自雲南而味更勝俗呼六月鮮

刀豆 酉陽雜俎樂浪郡有挾劍豆莢生橫斜如人挾劍卽今刀豆俗呼爲母猪

耳

藥材

人蔘 金史地理志遼陽府產人蔘契丹國志女真地饒山林土產人蔘南江州
權場以人蔘爲市新羅貢成形人蔘一統志盛京吉林烏拉諸山出產焉遼谷深
岩蘆株叢茁歲生滋饒上藥成珍皆由王氣鍾靈神皋毓蔚瑞草儲精敷榮萃秀
實足爲億萬載靈長之徵云舊志凡初夏得者曰芽蔘花時得者曰朶子蔘霜後

得者曰黃草蓨蓨鬚蓨葉蓨子蓨膏無不珍之高麗人蓨贊曰三極五葉背陽向陰欲來求我椶樹相尋頗得其形似按盛京地方行放額爾敏哈勒們蓨崇吉林地方行放烏蘇哩綏芬英莪嶺東山羅拉密瑪延河等處參票乾隆三十八年定例於盛京五部侍郎府尹等官內欽派一員協同辦理停派京員前往每次年請放參票各將軍等於刨夫回山後察看多寡情形定擬具奏由部給蓨票紅票分水陸路給發並給腰牌於緊要隘口驗放又乾隆十九年有御製人蓨詩四十二年有御製盛京土產詩甯古塔紀略云俗傳牡丹江水爲人蓨水因上流來自深山大谷產人蓨之區故有此說也本年據藥行調查本甯安境內約產蓨三百餘兩

茯苓 宋會要新羅出茯苓今按生松樹下抱木者爲茯神大山中多老松茯苓茯神及松香皆有之

五味子 爾雅謂之葶藶凡入藥以遼東子少肉厚者爲勝金史地理志大定府

出五味子甯古塔本年約出二百餘斤每斤價洋三角

茱萸 諸山皆有亞於吳產

赤芍 卽芍藥根甯安城西石頭坑子地方最多紅白兩種諸山皆有

金線重樓 本草作蚤休明一統志重樓金線長白山出按是草凡於深山陰濕之地生之一名紫河車亦名草甘遂亦名三層草

艾 爾雅謂之冰臺

泉耳 卽詩之卷耳俗呼蒼耳子

百合 根如蒜頭有瓣又一種卷丹子生葉間又山丹似百合而小亦名紅百合根皆可食蓋一類三種惟百合入藥

木通 一名通脫木甯安藥商採約千餘斤按本年價洋每斤三角

澤蘭 莖方節紫葉似蘭草而不甚香根名玉環菜甯安本年藥商採有百餘斤每斤價洋二角五

地丁 有紫花黃花二種又名蒲公英本年藥商採有三百餘斤每斤價洋三角
車前 好生道旁布葉如輪俗呼車輪菜抽穗結子即名車前子本年藥商採有
二百餘斤每斤價洋三角

兔絲子 爾雅謂之唐蒙今豆田中多生之

甘草 邊地生者勝

桔梗 古名薺茈即杏葉菜苗曰明葉菜根爲甜桔梗本年藥商採有八百餘斤
每斤價洋三角

五加皮 五葉交加故名宜漬酒

一支蒿 一名五龍草又有天仙子漏蘆寄奴草馬鞭草山谷間悉叢生焉悉皆
入藥本年藥商採漏蘆五十餘斤每斤價洋三角

大力子 本年藥商採百餘斤每斤價洋三角

狼毒 本年藥商採得五十餘斤每斤價洋二角

杏仁 本年藥商製得二百餘斤每斤價洋三角

透骨草 本年藥商採得四百餘斤每斤價洋二角

宣草根 本年藥商採得百餘斤每斤價洋三角

紫蘇 本年藥商採得二百餘斤每斤價洋二角

芫蔚 卽詩之葅今名益母草又名坤草本年藥商採得二千餘斤每斤價洋二角

貝母 花白葉似韭一名蒟山林野藪間亦產知母本地曰平貝亦曰土貝四川名川貝本年藥商採有三十餘斤每斤價洋三元有奇

簡陸 卽易之莧陸處處平澤有之本年藥商採有五十餘斤每斤價洋二角五分

黃芩 有條芩有苦芩本年藥商採有千餘斤每斤價洋四角

地榆 葉似榆而長花可染色生於平原曠野本年藥商採有五百餘斤每斤價

洋二角五

柴胡 有竹葉韭葉之別蓋以質之柔硬分也不及延安所產之良本年藥商採有千二百餘斤每斤價洋四角亦曰銀胡

防風 宋會要新羅出防風今甯境皆有本年藥商採有二千餘斤每斤價洋三角

薄荷 葉似荏而尖長香味不如南中所產本年藥商採有二百餘斤每斤價洋二角五

升麻 裏白外黑者名鬼臉升麻別有一種綠升麻本年藥商採有五百餘斤每斤價洋三角

苦參 卽野槐根本年藥商採有百餘斤每斤價洋三角

獨活 一類二種節疎色黃者爲獨活色紫節密者爲羌活本年藥商採有五百餘斤每斤價洋三角

威靈仙 根叢鬚數百條長者二尺餘色黑俗名鐵脚本年藥商採有三百餘斤
每斤價洋三角

王不留行 花如鈴鐸實如燈籠殼五稜多生於麥地

木賊 與麻黃同形諸山中皆產天南星麻黃諸藥

蒼朮 一統志出廣寧者佳苗曰槍頭菜本年藥商採有千餘斤每斤價洋三角

牽牛 黑白二種又名黑丑白丑

玉竹 似黃精苗卽小筆管菜鈎吻不同本年藥商採有五十餘斤每斤價洋三角

石花 生石崖上如兒拳外白內綠遇雨卽開形同栢葉採置水中經月如新卽
捲栢也本年藥商採有五十餘斤每斤價洋三角

大小薊 花青紫葉多刺俗呼牛戳口有大小二種本年藥商採有一百五十餘
斤每斤價洋三角

荆介 有二種圓穗者荆介扁穗者假蘇處處叢生本年藥商採有四百餘斤每斤價洋二角五

茵陳 因宿根而生故名本年藥商採有百餘斤每斤價洋二角五

葶藶 入夏卽枯亦曰夏枯草禮月令孟夏藜草死卽此本年藥商採有五十斤每斤價洋四角

蕭蓄 赤莖節好生道旁爾雅謂之竹俗呼猪牙草本年藥商採有二百斤每斤價洋二角五

桑寄生 山中各樹多有寄生惟桑上者入藥本年藥商採有百餘斤每斤價洋三角

黨參 本年藥商採得百餘斤每斤價洋五角

黃芪 諸山皆有本年藥商採有二十萬斤每斤價洋四角歷年多銷祁州 此甯安產最多可爲特產也

草烏 本年藥商採得五十餘斤每斤價洋三角

青蒿 本年藥商採得二百餘斤每斤價洋二角

黃柏 本年藥商採得三百餘斤每斤價洋二角

馬齒莧 本年藥商採得五十餘斤每斤價洋三角

萊服子 本年藥商採得五十餘斤每斤價洋二角

觀草 本年藥商採得百餘斤每斤價洋二角

劉富榮草 據土人傳說不知何年何代有一山把頭名喚劉富榮者兩腿生瘡多年未愈腫疼難堪百方莫效一日偶見山中有清香刺鼻之草不覺心有所動遂刈割懷歸煎湯滌洗患處舒暢異常腫疼漸消每天按法施洗不數日結痂告痊因此遠近傳誦鄉人爭採此草以備不時之需後有患發瘡症或無名腫毒者皆仿照此法煎洗多收效果土人無可命名遂以劉富榮名名之此亦取劉寄奴之遺意耳此可謂爲特產也

蔬屬

葵菜 北史勿吉傳菜則有葵周書百濟傳卑下濕氣候溫暖有蔬菜之屬按葵種卽詩所稱烹葵卽菽是也

韭采 禮名豐本土性鬆浮其發芄茂

山韭 獨萃一葉詩六月食鬱卽此爾雅謂之藿

葱 春發名羊角秋種以白露金史地理志海蘭路貢海葱

山葱 爾雅謂之茗葉似藜凡山韭山葱清內務府以時採取入貢

薤 本草一名火葱又有山薤爾雅謂之薺

蒜 小蒜本中州種大蒜張騫自西域携歸今有紫皮白皮二種甯安產最佳

小蒜 生田原間今呼爲小根蒜歲以入貢

菘 俗呼白菜有二種肥厚嫩黃者爲黃芽白窄莖者爲箭桿白

芥 有數種俗以大芥爲芋芥以馬芥爲癡芥白芥子入藥

芹 水旱兩種赤白二色

藕 鬆脆亞於南省東京城西蓮花泡產

紫葢 味酸花白不結子俗名野芹菜

菠薐菜 唐太宗時呢波羅國所獻今呼菠菜

蕘蓬菜 本草作恭菜

蔓菁 爾雅芥頭備蔓菁詩謂之葑一名蕪菁俗呼芥菜疙疸

蒿苳 有青赤二色俗呼生菜大莖作醬齏菜甯安最佳

莧菜 赤白二種皆可茹

馬齒莧 本草一名五行菜以其葉青梗赤花黃根白子黑也

藤菱 種傳西域俗呼香菜

尚香 本草作穰香又云内生虫可治疝

小尚香 西域種也本草一名蒔蘿

同蒿 形氣同於蒿亦可茹

萋蒿 爾雅作藝詩于以采藝是也今呼蕃蒿菜俗名艾蒿

蕨 莖色青紫末如小兒拳初生時即采入貢每歲仍貢乾者

山豇豆 葉潤於榆縷赤無齒其莖中空氣味頗似豇豆

酸漿菜 似羊蹄而葉細酢可食爾雅謂之殭

木耳 盛京志云雷古塔木耳質厚味勝他產佳者清內務府採以入貢

石耳 生山石上味勝木耳一名靈芝諸山中有之

苦蕒 卽詩之荼於芑也禮月令四月苦菜秀卽此葉似苦苣而細斷之有白汁

花黃似菊根葉皆可茹俗呼曲馬菜

蓼 種類不一有紫蓼赤蓼青蓼香蓼水蓼木蓼馬蓼之別禮記雞豚魚醢皆實

蓼於腹中而和羹膾蓋香蓼也今人但取蓼子生芽亦可茹

花椒 地寒種者頗稀僅種於花盆者有之

秦椒 結椒長於棗而上銳生青熟紅味辛土人多食之又一種結椒向上者名天椒

芋 俗名芋頭生食或作醬菜

藜 即藟之紅心者莖長於藟可爲杖

灰藟 俗名灰條菜

地膚 爾雅謂之王萼今呼掃帚苗嫩可茹老時可爲帚子入藥名地膚子

薺 師曠云歲欲甘甘草先生薺是也開細白花結莢如小萍而有三角初生可

茹詩其甘如薺卽此柳邊紀略蒔臍澱子中亦生人不知食

蓬 詩言采其蓬俗名羊蹄葉夏至卽枯子名金薺根似大黃

蘿蔔 爾雅曰藟蘆蒹今以圓而皮紅者爲大蘿蔔長而色白者爲水蘿蔔子入

藥名萊服又一種色黃者身尖長曰胡蘿蔔又一種圓而小皮紅名曰小水蘿蔔

批藍 南方謂之芥藍葉可擘食故北人謂之批藍根有紅白二種性甘可製糖

俗名糖蘿蔔

山藥 亦可入藥近今菜園有種者

薯蕷 有紅白二種甘俗名紅白薯僅近年有種者

越瓜 種始自越一名揷瓜短者爲菜瓜脆者爲脆瓜

黃瓜 種來西域今爲常蔬又高麗瓜色黃形圓俗呼柿子瓜又有南瓜種出南

番又倭瓜種出東洋今皆爲土宜矣

攪瓜 形類倭瓜而小內生筋絲醬醃蜜餞皆宜食時以箸攪取出之似按切者

絲瓜 瓜時以石墜之則直老則筋如亂絲

冬瓜 本草一名白瓜

壺盧 卽瓠瓜也今以長者名瓠子圓者名葫蘆皆可食又有細腰者爲藥壺盧

小而扁者爲油壺盧老而堅皆可備器

茄 有海茄水茄旱茄之別色亦各異又一種蕃茄俗呼爲柿子

紅花菜 卽山丹花宋蘇軾詩堂前種山丹錯落瑪瑙盤則今之捲丹也

黃花菜 一名針金菜歲與紅花菜同時生又白花菜氣微羶子入藥又有黃瓜

菜氣味如黃瓜 甯古塔紀略云甯古塔產者極多而肥

按此一名黃草又名忘憂草

甜漿菜 牛野中葉長色白味甘

蘑菇 諸山中皆有之大而黃者佳種類不一生於榆者爲榆蘑生於榛者爲榛蘑而榆蘑生於榆樹窟中味尤美卽古所謂樹鷄也蘑菇有凍青羊肚蒿子雞腿銀盤粉子麩子定等名清季歲採厚而佳者入貢

龍芽 有二種一曰樹龍芽葉似椿而大初長刺條來年於頂上吐芽採爲茹其條便枯一曰地龍芽卽升麻苗葉亦相似

花屬

長春 柔條紛披黃花爛熳逐時開放

迎春 經春卽開又有探春春過始開亞於南中

杏花 春夏之交開始錦繡較南方稍遲地氣寒也

桃花 有紅白粉紅諸色又有碧桃花一種

梨花 山中多處每春望之如香雪海

李花 (松漠紀聞) 甯江州多草木如桃李之類皆成園至八月則倒置園中封土數尺覆其枝幹季春出之厚培其根否則凍死春暮放花蕊細如雪種亦不

丁香 紫白二色生山原名野丁香

小桃紅 花色紅亞於碧桃

金雀化 形如小雀黃色喜叢生最易植

雀兒花 色翡翠似鴛鴦菊而單蒂跗橫枝上如鳥之翔又閃綴花以色名似龍爪而小山丹而曲又有草芙蓉不知何以名葉細如皂莢花黃同菊瓣高者亭亭

二尺許

日奇花 類蝴蝶花而小一莖十數花辰收申放數必奇故名葉如萱

垂絲海棠 蒂如絲花下垂花色分五種

牡丹 紅黃兩色俱有之(契丹國志)渤海富室往往爲園池植牡丹多至一二百本有叢生數十幹者

芍藥 (大金國志)金太祖十四年生紅芍藥花北方以爲瑞女真地向多白芍藥花皆野生絕無紅者好事之家採其芽爲菜以麪煎之凡待賓齋素則用之金人珍惜不肯妄設遇大賓縷切數絲置碟中以爲異品今甯安諸山皆有惟距城西五十餘里石頭坑地方白芍藥花最多

薔薇 有紅白色二種

玫瑰 紅者可入食品黃者花微小俗通呼刺玫野開者花皆單瓣色紅子赤名山刺玫

石榴 有紅白黃三種不結果者名花石榴

山丹 紅花六瓣一名紅百合其附未開者乾之即紅花菜

翠娥眉 隨日側映鮮妍有致

蜀葵 花色不一俗呼黍菊花紫者可染色紅白者可治疾一種莖短花小而單者錦葵也俗呼小黍菊又兔葵甯安土人呼曰鬼臉葵

水桂花 細碎而香淡黃色

旋覆花 (爾雅)謂之盜庚色深黃入藥又名六月菊

紅藍花 花可染色俗呼爲紅花亦入藥

馬纓 花如絨一名合歡其葉晝舒夜捲

金盞 黃花如菊秋深猶茂

石竹 枝如竹花色不一子入藥名瞿麥

捲丹 六出四垂大如山丹先結子枝葉間秋時開花於頂根如百合可充蔬

鳳仙 俗呼指甲草性能透骨子入藥

萵苣蓮 卽罌粟六月始花高尺許葉如萵苣又名生菜蓮花有紅有白子可入

藥

雞冠 其形如雞冠有黃紅白數種

牽牛 蔓生花色不一

江西臘 花似菊色不一枝頗搖曳

高麗菊 枝葉類萬年菊單瓣色黃赤相間如虎皮

月季 亦名月月紅又有十姊妹一枝數朶相簇

向日葵 獨莖頂作黃花大如碗向日而轉亦名葵花又一種曰秋葵

荷花 卽詩之菡萏(爾雅)謂之芙渠今名蓮花有紅白二色絕域紀略土人素

不識因游東京者往蓮陂土人遂擷之以市盛京志蓮子小於建蓮亦可入藥

棠梨花 諸山皆有

玉簪 一名白鶴仙未開時如白玉搔頭黃紫者差小亦名玉簪

秋海棠 入秋始花色亦嬌艷

荷包海棠 亦海棠類也花形似荷包鬚亦如穗

蘭草花 葉如韭花粉紅色叢生莖中

繡毬花 叢生如毬喜生陰地不宜向陽

萬年菊 花葉類草芙蓉色黃枝柔蒙密延蔓一本可百餘花或曰卽層瓣高麗菊也

菊 甯安地寒諸花皆後開惟菊開應節

護花 亦曰萱一名鹿葱喜生陰地花六出四垂乾則爲金針菜

牽枝牡丹 花粉紅色蔓生俗呼串枝蓮

扁竹蘭 花形三角卽射干花

山胭脂花 有紅黃紫白諸色又名粉團花俗呼茱萸花

金錢 色紫而圓落必以夜

百日紅 木本花如丁香又千日紅草本久開不萎

凍青花 葉如柳而圓新葉生舊葉始脫花紫色冬含蓓蕾春夏方開

水荭花 高者丈餘多生下濕地

葦蘿 蔓生葉如藻花紫紅色

素馨 喜生郊原黃白二色白者團而小香勝茉莉

醉八仙 花紫色如丁香

曼陀羅 如牽牛花而大子如茄

剪秋羅 有紅黃諸色四圍參差如剪

草屬

蘇麻 土人需此為繩種之田中戶部官莊以麻交稅(後漢書)臧傳種麻養蠶

作綿布

靛 一名藍草可以染布靛花入藥名青黛

芸香草 葉類豌豆而細叢生辟蠹

煙草 可治木器清內務府採以入貢

葦 生於濕地

羊草 生山原間長尺許莖末圓勁如松針黝色油潤飼馬肥澤居人以七八月刈積之經冬不變

香蒲 莢於筍茸入藥名蒲黃又有菖蒲生湖泊中俗曰臭蒲

水葱 生水中如葱而長又名翠管可爲席

芫蘭 蔓生葉綠而厚斷之有汁子長寸許俗名雀瓢

萍 浮生水面紫背者可入藥

狼尼草 形似狼尾故名

章茅 可苫屋

蘋 四葉相合中折十字浮生水面生陸地者則青萍也

藻 葉大者曰馬藻葉細者曰水蘊土人呼水蘊爲雜草冬取食之名凍青菜

黃背草 層層有節可代章茅亦曰黃茅

小青草 味苦田間以之充茗

紅根草 葉瘦而長柔韌可爲繩舊例採貢

燕麥 粒如麥而小(爾雅)謂之雀麥

莎草 莖宜簣笠根即香附

菸草 冬可禦寒土人尤多食之產南湖頭最佳

星星草 亦名猩猩草出山谷間

老少年 一名秋紅一名雁來紅春夏葉色青黃至秋則漸紅如花土人謂之老

來變一名十樣錦

馬蘭 似蒲而小花藍無香可染色根可爲刷(禮月令)荔挺出卽此子入藥名

蠡實

白草 可織帽

苻 葉圓紫赤莖如釵股

如意草 一名箭頭草開紫花莖實下垂似如意

蓬 (爾雅) 釋名云齧彫蓬薦黍蓬今人統呼爲蓬子蒿

菰 一名蔣俗呼茭草春生筍亦可茹莖中如兒背者曰茭瓜結實曰菰米一云

彫胡

貓兒眼草 葉紋如貓睛

扁担草 又有莠草馬房草水稗草俱生田間可飼馬

蘆 一曰萑(詩) 八月萑葦一名葭(詩) 兼葭蒼蒼(爾雅) 葭蘆註曰葦一物而

三名也

塔子頭 窪地叢生其根裹土壅如小塔

荻 (爾雅) 謂之蕭

寧安縣志

物產

動物

獸屬

牛 周禮職方氏幽州其畜宜四擾注四擾馬牛羊豕隋書百濟傳畜有牛五代史女真地多牛鹿野狗金史地理志大定府產乳餅益餅以牛乳爲者清內務府有黑牛館飼純黑者以供祀亦獻乳酪

牛黃 舊唐書開元十一年新羅來獻牛黃

馬 後漢書夫餘傳出名馬濊傳出果下馬北史勿吉傳出三尺馬新唐書渤海傳俗所貴者率賓之馬按率賓內地馬大高麗馬小可知物產亦限疆域也今有官馬羣駐牧各處馬極蕃庶而西北塞外來者亦良索倫之馬則身長陡健毛短而澤

駝 宋會要新羅地宜橐駝長頭高脚背有肉鞍謂之駝峯可負橐囊又名橐駝
今呼駝駝食少任重而行速軍中需之亦產羸及驢土人負重者恆以驢代脚力
焉

羊 北盟錄女真產名馬多牛羊清季內務府亦有羊館

豕 後漢書挹婁傳好食豕北史勿吉傳其畜多猪隋書百濟傳有猪新唐書渤海傳俗所貴者鄭頡之豕黑水靺鞨傳畜多豕金史地理志會甯府貢猪大金國志女真獸多白彘

犬 通考女真地多良犬今按犬類不一一日田犬二曰吠犬三曰食犬奉天錦州田犬極健有力能制虎者最爲難得又外蕃犬可供驅策故元史有犬站以犬代馬今黑龍江以北費雅哈部落尙役犬以供負載

貓 性善捕鼠又有野貓居山中谷中狐類口方色蒼黃有斑善搏亦曰野狸

野馬 三國志鮮卑傳其獸異者野馬形如馬而小

野驢 通考女真獸多野牛驢之類按野驢似驢而色駁鬃尾長

山羊 生山中似羊而大善登山皮灰黑色

羶羊青灰色似小驢俗稱山驢喜登石碕雖虎豹不及也毛長毳厚禦寒佳品近年不常見

黃羊 大於羊毛蒼黃一統志出錦州邊外冬月以入貢

野猪 通考女真獸多野猪今山中有之冬月獵得者醃以入貢野猪 滿語烏

拉戈因

蜜狗 生諸山中嘴尖如狗尾黑可飾盔纓

虎 北魏書勿吉傳有虎豹羆狼今諸山中皆有之邊外間有白質黑章者尤猛鷲圍中以激打鎗手制之虎骨熬爲膏入藥（滿名他斯哈）赫哲人呼爲恩德勒媽夫寄園寄所寄云以虎腸爲馬糲雖烈性之馬亦必馴良胸口之軟骨人佩之而膽壯他人見之而生畏此理之可信者也 甯安二道河三道河及西山均產

但近年似不多見

豹 似虎而小白面團頭色白者曰白豹黑者曰烏豹文圓者曰金錢豹最貴重
文尖長者曰艾葉豹後漢書濊傳其地又多文豹 甯安五道溝八道河子及北
梨樹溝均產

貂熊 一統志大如狗紫色出甯古塔者頭紫黑兩肋微白

貂鼠 後漢書挹婁傳出好貂東沃沮傳其租稅貂三國志夫餘傳出貂狻挹婁
傳出好貂所謂挹婁貂今甯安諸山林多有之近東北邊者色黃邊外者色紫黑
皮甚輕煖以松子爲糧打牲者八月往十二月回皆於雪天尋其跡而捕焉滿語
曰司類巴 柳邊紀略云上貂皆產魚皮國歲至甯古塔交易者二萬餘而貢貂
不與焉甯古塔人得之七八月間售販鬻京師者歲以爲常

鼬鼠 俗呼黃鼠狼又名騷鼠其尾可作筆 滿語曰索宜來

鼯鼠 形似鼠而大常穿地以行卽田鼠也洞內積最多之糧以備食之

蝟 似鼠有毛刺脚短尾長物犯之則形縮毛張如集矢俗呼刺蝟皮入藥 滿

語曰僧格

艾虎 鼠類能捕鼠

白兔 新唐書渤海傳太白山之兔黑水靺鞨傳土多白兔開元天寶間來獻鯨

睛貂鼠白兔皮按白兔似兔而大毛純白

水獺 (滿語曰諾控)亦兩棲動物也毛粗色紫黑滿五尺為上等 甯安現無

熊羆 小者曰熊大者曰羆一云羆似熊黃白色今山中熊類不一有人熊猪熊

猴熊狗熊諸名獵得者入貢熊有狗駝(滿名 敦宜 木戈)馬駝(名 昂宜 那戈)兩種狗駝能

上樹取食料馬駝不能上樹故柞樹林中多有折枝橫於樹杪者即熊採食之遺

跡也

麋鹿 鹿大麋小禮月令仲冬麋角解仲夏鹿角解今考麋鹿俱於夏至解角盛

京吉林有麋無鹿見御製鹿角解詩後說凡獵春夏謂之青草圍秋曰哨鹿圍冬

曰大圍進貢則有湯鹿毛鹿合子鹿及腸肚舌尾夏秋貢乾醃肉及茸角筋皮新唐書渤海傳俗所貴者扶餘之鹿扶餘卽今開原以北地正爲田獵之所鹿分兩種一花鹿（滿語松不長）一馬鹿（滿語不長）又極東近俄羅斯地方不產牛馬多役鹿以供負載此鹿又名四不像

鹿角 煎爲膏入藥亦有骨作膠者松漠紀聞鹿頂合燕以北者方可車須是未解角前才解角血脈通好者有人字不好者成八字有髓眼不實北人謂角爲鹿角合頂謂鹿頂合南鹿不實定有髓眼不可車北地角未老不至秋時不中麋角與鹿角不同麋角如駝骨通身可車却無紋鹿頂骨有紋上下無之亦可熏成紋

鹿茸 角之初生者方書鹿茸補陽鹿茸補陰今入藥者但言鹿而不及麋

鹿筋 金史地理志復州舊貢鹿筋

馬鹿 一名八叉鹿清季歲取其角交官一統志形大如馬山中極多

駝鹿 北方有鹿形如駝一統志出甯古塔烏蘇哩江一名堪達漢野短形類鹿色蒼黃無斑項下有肉囊如繁纓大者至千餘斤角扁而闊瑩潔如玉中有黑理截之鏤爲決勝象骨直數萬錢

麀 麀類色蒼赤又黑龍江地方每多有白項野麀從海邊來不可勝數形比內地微大但味稍腥

狼 滿語曰英古利皮毛青白者貴會典品官坐褥多用皮有定制一品用狼二品用獾三品用貉四品山羊五品以下用白羊皮公侯極品用虎豹皮 花臉溝二胡家溝唐頭溝南北湖頭均有之

麀 鹿屬無角即詩之麀獵時以背式骨交官有定數（滿語曰烏支克）其形似牝鹿而小其臍初得時臊亦不數見

麀 形似麀一名香麀喜食柏臍血入藥名麀香

豺 足似狗瘦如柴性鷲猛善逐獸

獾 似狗而矮體肥行鈍皮宜裱褥獾又名鶯嘴子（滿語曰多拉控）二月間始出洞週身稍變白色此時得者爲上

貉 狀如狸性好睡又俗稱敖頭以其性柔也（滿語稱爲彥圖庫）其皮仲秋得者名曰秋板大秋得者名曰大秋大雪後得者爲成皮（卽白板皮）每與獾子同穴

猓 類野狸大耳頭足身似虎而小滿語曰書龍有長毫白花色小者曰烏倫二月得曰花及明一統志謂之士豹今出索倫者佳清季歲入貢亦作失利孫白草灣一帶產之

狐 色赤而大夜擊之火星迸出毛極溫煖集腋爲裘尤貴重元狐出下江大於火狐色黑毛煖最貴又云狐狸分兩種色赤者爲狐皮有花者爲狸赤色之狐亦分兩種純赤黑腿銀鬃者爲上品赤毛中有白毛梢者俗稱芝麻花草狐狸爲下品狸有斑紋其形似貓俗稱野貓得此皮者以大雪後爲佳（滿名多必土名蘇

勒宜克凡鄉間山洞及墳坵等處有之

沙狐 生沙磧中身小色白腹下皮集爲裘名天馬皮類皮名烏雲豹按狼獾狐貂一切有用之皮皆有打牲人取以上官

獠刀 又曰花狐狸俗傳狐狸與貉交尾則生此物全身與狐相似惟毛根青黑色性最狡猾亦肉食類饒河虎林綏遠三縣時或有之亦不多見以十二月獲者爲白板

銀鼠 山中有之毛色潔白皮禦輕寒

灰鼠 契丹國志女真獸有青鼠貂鼠按青鼠即灰鼠山中皆有之灰白爲上灰

黑者次之滿語曰烏拉宜克

香鼠 小於鼠能捕雀

鼯鼠 頭似兔尾有毛黃黑色惟好在田間食穀豆即碩鼠也遼金元時用以供饌名爲黃鼠今呼豆鼠

松鼠 蒼黑色大尾好食樹果小者大不過三寸通身豹文

跳兔 前足寸許後足近尺爾雅謂之蹏

麩子

(滿語曰

光英
戈查)

俗作狍肉可食其脊中板筋可抽出晒乾揉而作線皮可

爲襪帽等物八月得者名彬其爲上品春日東來秋日西去

禽屬

雞 後漢書三韓傳有長尾雞尾長五尺本草遼有食雞角雞二種今有九斤黃

大勝諸雞又毛之反生者曰番毛雞白毛烏骨者曰烏骨雞

雉 俗呼野雞清時每七月捕雉雞供祀冬月有野雞圍羅雉清入貢

鵝 肥美勝於他處

鶻 俗名天鵝江海間皆有之甯古塔近於東海故時有見之其毛可爲服飾

鴨 亦曰鶻前清內務府冬月入貢雞鵝鴨蛋戶部莊頭交官備用

野鴨 爾雅鶻沉鳧以性好沒故名今湖泊最多有綠頭尖尾黃脚等名

紅鴨 形如白鷺翅白

蒲鴨 大於野鴨色黃

沙鷄 似雉而小脚有毛爾雅註鷓鴣大如鷓似雌雉鼠脚無後趾足高二寸多

出林中亦曰樹鷄味勝家鷄清時亦入貢

鶴 瘦頭朱頂長頸高脚一名仙禽有灰白二種產河海之濱惟灰者本地有見

鶴 水鳥黑白二種清時羽充貢為箭翎

鴻鴈 大曰鴻小曰鴈禮月令季秋鴻鴈來賓季冬鴈北嚮本地春時鴈來自南

秋復南翔

鶻 一名鷓鴣屬也本草以無斑者為鴈與鶻為二物今呼為黃鶻

鶻 性喜鬪土人呼為鶻鶻

練鵲 似鵲而小黑褐色頂上一帶一名帶鳥長尾白羽俗呼長尾練

黃鶻 一名倉庚俗呼黃鳥

慈烏 色黑能反哺者俗呼老鴉亦曰烏鴉

鴉 卽詩之鸞爾雅謂之鷦鷯似慈烏而大不反哺腹白土人呼曰山老鴉

鵲 一名靈鵲俗呼喜鵲

鵲 青灰色尖喙長尾頸黑腹下白飛則鳴行則搖

鴛鴦 形如小鴨色黃有文紅頭翠鬣止則相偶飛則成雙

鷺鷥 林棲水食潔白如雪者曰白鷺又有紫鷺碧鷺種類大小不一

鷓鴣 亦曰鷓性浮形如白鷺江湖河皆有之

鷹 一名鷂鳩種類不一古以出遼海者爲上新唐書黑水靺鞨傳出白鷹契丹

國志女真禽有鷹鷂一統志白鷹尤爲鷲猛吉林甯古塔諸山有之與他地產者

不同亦特產也

鷓鴣 大如鶴紅頰長頸高脚

白翎雀 雀類不一青黃色翎白鴈春北秋南白翎雀窮冬沍寒不易其處元人

重之故元世祖樂有白翎雀歌又有大眼雀睛大而圓白眼雀目有白圈旋雀色如旋小雀依人簷下俗呼家雀蒿雀多伏蒿間俗呼蒿溜兒

黑雀 爾雅謂之鷓鴣田間有食禾之蟲此雀羣飛食之亦有功於農事者又有金翅雀色黃善鳴

水鷲 黃肚雀俗呼黃肚囊有大小二種小者長嘴短尾大者尾根正白

打爛鳥 形如小水鷲而大首翅尾黑色胸下白

鶻鳥 大如燕色碧嘴長尾短卽翡翠之小者俗呼魚狗

縮脖子 灰色形如鶻翅大脚高飛則縮頸俗呼縮脖子

錫嘴 嘴白又有銅嘴似雀而大色灰黑喙青黃如銅又鐵嘴形類窩藍無角頂又蠟嘴卽桑扈之屬喙如黃蠟畜之可玩

白頭翁 形如鶻頭白身灰黑又有名拙老婆領下色紅哥哥鳥其名自呼曰哥哥鳥

鴟鵂 身大色黑黃而斑晝日無見夜則鳴其頭如貓俗呼夜貓子惡聞其聲
千里紅 頂有紅毛喜食蘇子俗呼蘇雀黑龍江稱老鎗雀出俄羅斯地雪後即
來羣飛入海以十一月囿而取之炙食甚美

鐵脚 雀之大者爪堅如鐵置囿覆網取之漏網者未幾復至亦鳥之義而愚者
冬則羣飛入海

鴟 似鷹而大色黑帶古塔諸山有之其品不一上等色黑者爲皂鴟有花紋者
曰虎斑鴟黑白相間者曰接白鴟小而花者曰芝麻鴟羽宜箭翎清內務府有鴟
丁於松枝上用繩套名爲鴟手歲取以充貢鴟之最大者能捕鼉兔山中間有之
海東青 亦曰海青鴟之最俊者身小而捷能擒天鵝爪白者尤異次曰玉爪駿
俊絕異倫一飛千里遼時以海青鴟擊天鵝首得者薦之宗廟通考女真出海東
青元史地理志海蘭府碩達勒達等路有俊禽曰海東青由海外飛來昔時土人
羅之以備入貢明一統志五國城東出一統志最大者力捕鼉鹿今多出黑龍江

烏蘇哩江等處輟耕錄載演雅言海東青羽中虎也燕能制之羣集緣撲卽墜云云以小制大物情往往如此亦猶腰黃啖虎之類也

鶻 大曰兔鶻小曰鴉鶻

鷓 卽鷓類一曰隼又曰晨風本草釋名鷹小爲鷓今大小種類亦異有花豹白

豹細胸松兒朶兒攔虎獸諸名

鳶 鷗類俗呼鷹奴亦名鷓鷹

鷲 鷲類毛色不一有花者名胡鷲鷲

鷲 似鶴而大禿頂長頸赤目好啖蛇一名禿鷲翻可翎箭

鵝 形類鵝灰色長嘴大膝每竭水取魚一名淘河

鷓 黑嘴曲如鈎食魚入喉則爛涎可治齧骨可治噎

異物志鷓鷲不生卵既胎又吐出多者七八少者五六相連而生

青鷓 鷓類一名信天緣俗呼青莊

紅牙 背白翅微紅羽亦可翎箭

魚鷹 大於鴉色黑鈎嘴食魚一名鈎魚郎

燕 有越燕胡燕二種今土人以善構巢者爲巧燕不善構巢者爲拙燕凡燕秋後多蟄山崖之內至春始甦來於簷屋間來去皆以社時故曰社燕又燕分紫麻沙三類紫燕居民宅之內麻燕居民宅之外沙燕居江河之陡崖三種皆以飛蟲爲食料每至草野間飛蟲四起燕則千百成羣上下爭逐捕食待盡其飛甚速不避危害計每日之食量能減去無量數之害蟲良鳥也

鵠 似人鳥也來去無定一名鵠鵠

戴勝 似山鵲尾短長嘴青色頂有毛角似戴花

鳩 毛色大小不一通呼斑鳩又有鳴鳩形大於斑鳩長尾者一名布穀

鳩 水鳥似鷹有斑文無後趾

鵠 似鵠大灰白二色羽可翎箭

雌者毛色若灰雄若濃靛猛鷲善鬪稱鷲鷲又呼黑雞出於深山中清時歲

捕生者入貢

黎鷄 類雉而小背黑味爽卽鳴又穿草鷄色黃

石雞 類雉身小如鴿尾短嘴紅

蝙蝠 爾雅謂之服翼晝伏夜飛糞入藥卽夜明砂

寒號蟲 一云卽鷓鴣狀如小鷄足有肉翅夏月毛盛冬時毛脫鳴益急糞入藥

卽五靈脂

鷓鴣 卽詩之桃蟲似黃雀而小青斑長尾喙利如錐取葦花爲巢最工緻焦貢

易林桃蟲生鷓卽詩拚飛維鳥說之爾雅鷓鴣剖葦今俗呼爲巧女

油鶴兒 形類大水鷲尾根白

孤頂 類烏鴉身黑嘴白

喙木 爾雅曰烈喙木嘴如錐長數寸形色大小綠黑不一諸鳥舌皆根於喉而藏於味惟喙木舌根通腦後舌尖引之逾長樹中蠹虫雖潛穴隙皆能勾取食之

俗呼喙木官子

紅料 色紅善鳴色花者謂之花料又謂之麻紅料

山和尚 類山鵲而小尾短灰黑色

畫眉 似鶯而小黃黑色其眉如畫善鳴山林中間有之又有三道眉其眉似分

三道

柳葉兒 色淡綠小如指又串柳兒類柳葉雀形微大

鶯 尾長嘴紅似鵲而有文采一名山喜鵲或呼爲勃姑鳥亦名綵鵲毛羽文綵者亞於翠翡

鳳頭鳥 一名阿藍韋昭謂之鷓尾有毛冠者曰鳳頭呂覽注鷓一名冠雀是也小者曰清水又曰叫天爾雅謂之鷓鴣尾短多聲

鐵背雀 大於家雀灰色尾分兩白翎

昆蟲屬

蠶 三國志三韓傳知蠶桑并辰傳曉蠶桑舊唐書高麗傳種田養蠶清光緒末
年宣統初年甯古塔山蠶家蠶皆有養者因桑少無厚力作罷

蜂 俗以在地作房者曰土蜂黃而大曰馬蜂釀蜜者曰蜜蜂前清爲貢品今甯
安境內沿路線養者居多山蜜中煉出者爲黃蠟契丹志熟女真土產黃蠟甯古
塔紀略甯古塔亦有蠟遇喜慶事漢人自爲蠟燭滿洲人亦效之然無賣者甯古
塔不知養蜜蜂有採松子者或樵者於枯樹中得蜂窩其蜜無數漢人教以煎熬
之法始有蜜

蜾蠃 亦名土蜂純雄無雌負桑蟲而爲子卽螟蛉也

蟻 種類不一大者曰蚍蜉小者曰螳俗呼麻蟻有極小之白蟻常結隊尋食
綠繭 多牛山中杏條上綠色堅韌前清作箭扣用

蠟蟲 大如蟻蝨涎著枝莖收煉成白蠟較川產者微黃

蟀蟋 似蝗而小光澤如黑漆善跳好鬥秋後則鳴爾雅謂之蟀一名促織俗呼

趨趨又竈馬如促織好穴於竈亦名竈雞

蟋蟀 便腹青色秋鳴以股冬亦可畜交春則死所謂蟋蟀不知春秋也廣雅謂之蟋蟀俗呼聒聒

阜螽 長角修股善跳作聲形色不一

螳螂 禮月令仲夏螳螂生俗乎刀郎深秋孔子作房著樹枝是爲螳螂

蜚蠊 黑甲蟲一名吉蜚一名推車客俗呼使客郎所轉之丸納於土坎子生其

中

蛾 蠶蛾而外凡草木蟲以蛹化爲蛾者甚衆

蝶 形色黃白大小不一皆蟲所化山中蝶大如掌采色斑斕子卽山蠶也又花

樹間蠶之大者暑時置熱石上碾轉久之卽可化蝶

螢 卽詩之熠燿今名螢火蟲禮月令季夏腐草化爲螢至夜有光嘗見蟋蟀蝶

蝶之類夜亦有光但不飛耳唐子卿有水螢賦謂是水蟲所化

蟬 種類不一土人有秋蟬箴涼蜚螿秋蛩諸名

螿 一名地蠶又名應條生糞土中大者以背行駛久之化爲蟬則吸風飲露清濁係於變化有如此者

蚓 禮月令孟夏蚯蚓出冬至之日蚯蚓結俗呼曲蟾白頸者入藥

蜻蜓 六足四翼羣飛水際爾雅謂之負勞

尺蠖 似蠶而絕小促其腰使首尾相就乃能進步

馬陸 一名百足斷之能行觸之則倦俗呼多脚蟲深山叢樹間有之不若南中之多

龜竈 大者爲龜竈小者爲蟾子長跼者卽詩之蟪蛄

壁錢 似蜘蛛而色斑壁上作幕如錢

負蟠 卽詩之伊威俗呼濕生蟲

蟬 書中蟲一名蠹魚

蟾蜍 背黑無點多疥磊居陸地俗呼癩蝦蟆

蝦蟆 一名青蛙見水族初生有尾名蝌蚪

蠓 一名蠓小蟲似蚋而喜亂飛凡草木葉有泡起中生小蟲如蠓泡處乾脆蟲即飛出

蝸牛 爾雅謂之蟻蚶池澤中小螺白色頭有兩黑角涎畫屋壁悉成銀色或云可避毒蟲蠹最畏之又土蝸生旱地草上或石上俗呼鼻涕蟲二種皆入菜

木牛 小黑而長下細上粗善通乳

螻蛄 穴土而居短翅大腹腰細如蜂禮月令孟夏螻蟈鳴孔穎達以螻蛄爲鼪鼠俗呼土狗

水蛭蚰蜒斑蝥蜈蚣蟞山原草澤中亦間生焉

蠍虎 即守宮食蠶故呼蠍虎蠶即蠍也其毒在尾明一統志遼陽蠍臺皆有蠍

蛇師 卽蜥蜴俗呼馬蛇

蛇 種類不一大者往往有冠幘名烏稍其短小名七寸子者最毒甯安城西大石橋最多

蠅虎 身黑而扁嘴邊有雙肉爪攫蠅食之

蠅 其聲在翼壯者腹大生蛆蛆復化爲蠅

蚊 齧人長吻如針一名蚋今奉天省城處絕少而甯安城有之

虻 俗呼瞎虻亦草根所化廣甯道夏月最多酷齧牛馬行人苦之又山海經稱有飛蛭琴蟲大青蛇今不聞焉

鱗介屬

魚 後漢書東沃沮傳其租稅魚松漠紀聞每春冰始泮遼主必至甯江州鑿冰釣魚甯古塔諸河皆產魚惟鏡泊湖各種皆備六七月水漲則大魚不入網封凍鑿冰取之

鯉 江河湖皆有之

魴 縮項穹脊扁身細鱗俗呼鰕花諺云居就糧梁水魴

鰱 扁形闊腹大口細鱗有斑采明者爲雄晦者爲雌一名鰲花又名花鰱魚

鯽 新店書渤海傳俗所貴者渭沱河之鯽以時入貢甯古塔鏡泊湖南湖頭產

者最佳 按鏡泊湖鯽紅咀紅翅紅鱗紅尾與他江湖所產者特異此爲甯安特

產也

細鱗魚 圓身細鱗多出山流狹處亦曰遮鱸又有烏子魚頭尖而色白

哲綠魚 似鱸魚色黑清一統志味美不腥出甯古塔黑龍江等處

鱧 金史地理志上京歲貢秦王魚按鱧鱧一名鱧鱧鼻長有鬚口近頷下雖

鱗色不同而形體相類俗統呼鱧鱧又名阿金魚以上諸色魚清時歲各入貢民

國三年在伊蘭崗地方經魚人得鱧魚一條重三百餘斤

發綠魚 似鰕花而大色黑

鱧 圓而長鱗細色黑首有七點作北斗象俗呼黑魚首肥而巨

鱮 似魴而弱腴腹細鱗頤銳形扁俗呼鱧子魚

鱒 身圓而長赤脉貫瞳俗呼赤眼魚

鱮 山海經鱮魚似鯉大首今有至四五十斤俗呼鱮頭魚

鮠 似鱗而大身圓肉厚有青白二色俗呼草哨魚

鰻 圓厚而長口在頷下腹黑背微黃大者或至數十斤

鮠 無鱗似鮎而大俗呼槐子魚

鮎 即詩之鱣身圓性偃無鱗生流水者色青白生水者色青黃

鱖 狀如青魚身圓俗呼柳根鱖

鱖 即詩之鰈俗呼鱖條

鱖 形狹而長鱗白而細其性浮俗呼白漂子

雷魚 小者如指色黑尋河兩岸而行雨多則有

鱸 細鱗形窄腹扁頭尾向上亦曰白魚

重唇魚 即詩之鯊如鯽而狹淡黃色張口沙^吹

黃鯛 似白魚而頭尾不昂闊不踰寸長不徑尺土人呼爲黃骨子

沙鮫 體圓有斑俗呼沙鯛魚

黃額魚 似鮎而小背青色無鱗俗呼昂刺赤色者名紅昂刺

赤稍魚 身白翅紅

馬口魚 口大身小又有紅娘子魚近腮有紅黃雜采

振子魚 脊高腹平鱗小味腴

船釘魚 長二三寸大頭闊口黃色有斑見人則以喙插泥中又箭頭魚頭尖小

如箭

鱮 似鱈而短爾雅謂之鰭俗呼泥鰍

鱉 俗呼團魚又名脚魚甲入藥

蝦 大者長數寸小者曰金鈎蝦甯古塔江河僅有小者

蛙 一名田鷄土人呼爲青蛙

山蛤 多伏岩中似蝦蟆而大腹黃紅色俗呼哈什蟆向亦充貢

螭蛄 蟹身魚尾澤畔石下有之橫道河子甚多牡丹江亦有惟少耳

達發哈魚 甯古塔江河有之腹中子大如玉蜀黍

烏庫哩魚 清一統志甯古塔出四五月時自海迎水入江

勾星魚 鱗斑如列星長喙漁者間以箸探其口齧之至死不釋段刃之釜中猶

躍躍也

蚌蛤 本草形長曰蚌圓曰蛤江河皆有之惟海林河出者多狹而長內產孕明

珠曰東珠清時入貢

物產舊聞雜誌

東珠 產珠之所曰碩達勒達至元十一年命於松阿哩江愛呼江採珠元史東

珠出混同江及烏拉甯古塔諸河中勻圓瑩白大可半寸小者亦如菽穎王公等

冠頂飾之以多少分等秩昭寶貴焉 省通志

飛石黑阿峰黏穀米糕也色黃如玉味膩如脂頗香潔俗重跳神祀品此為上獻

尾從錄

渤海所貴者南海之昆布 唐書

油用蘇子油似紫蘇子油滓增麻梗為糠燈 甯古塔紀略

蘇子油斗得油八九斤氣頗觸鼻品在菜油下 柳邊紀略

蘆酒勿吉嚼米醞酒飲能至醉 魏書一百 米兒酒各詹冲弩力或即蘆酒炊穀為糜

和以麩葉須臾成醞朝釀夕飲味少甘多飲不醉 尾從日錄 鞞鞞土多骨咄角 唐會要

契丹重骨咄犀犀不大紋如象牙黃色止是作刀柄已為無價天祚以此作兔鶻

押垂者 續松漠紀聞

布帛 鞞鞞婦人服布 隋書八十一 渤海所貴者顯州之布 唐書二百十九 唐天寶七載

黑水鞞靴獻六十線布

册府元龜

女真有細布

契丹志

高士奇雜記詩貨殖往來惟

鐵布市中全不識銀錢

履從日

麻布女真出

明一統志

寧古塔無閑人而女子

為最糊窓則搥布以代紙是為麻布紙

絕域紀略

挹婁出青玉

太平御覽

女真土產玉

契丹志六

一統志甯古塔出青玉今烏拉甯古塔赤玉不多見凍青玉則間有之或

云輝山洞中有玉脈出白玉然不能得也

盛京通志

鞞鞞寶石色赤紅大如栗今嫩

江諸岸出五色石透明如瑪瑙紅圓者象含桃云

盛京通志

又混同產五色石用以

取火絕佳

甯古塔紀略

綠端石出甯古塔諸河邊

盛京通志器用

鞞鞞自拂涅以凍矢皆

石鏃

隋書

黑水鞞鞞居肅慎地其矢石鏃長二寸蓋楛發遺法

唐書

石弩名水

花石堅利入鐵可鏗矢鏃土人將取之必先祈神

明一統志

今用者少

盛京通志

近混

同江出石磐相傳松脂入水千年所化有紋理如木質紺碧色堅過於鐵工人用

以礪刃名為昂威赫

甯古塔紀略

楛矢女直出

明一統志

楛木長三四寸色黑或黃或

微白有文理非鐵非石可以削鐵而每破於石居人多得之虎兒哈河相傳肅慎

氏矢以此爲之好事者藏之家非斗粟不易楛矢自肅慎氏至今凡五貢中國勿吉室韋之俗皆以此爲兵器或曰楛矢或曰石鏃或楛鏃歷代史傳言之媿媿今余所見直楛耳無有所謂鏃與鏃也

柳邊紀略

楛一名雉尾荆色赤中爲矢世傳肅慎氏楛矢卽此

盛京通志

說文楛木也悶若璩

曰國語肅慎氏貢楛矢其地卽今甯古塔詢其風土云西南去六百里曰長白山山巔之陰及黑松林遍生楛木取以爲矢質堅而直不爲燥濕所移

說文義證

威伊克阿林極東北大山也上生青苔厚常三四尺甯古塔造船漏以青苔塞之常責一人執青苔以俟不違他願

柳邊紀略

合生草出靉靺國婦人難產口中含之立產

格致鏡原

維常肅慎氏有樹名維常其木生皮可衣

晉書

山海經作雄常

盛京通志

火絨生木瘻中取之可盈掬

甯古塔紀略

塔子頭窪地叢生其根裹土壅如小塔

盛京通志

又可雕作木器

廣羣芳譜

或名和尚

頭苗長尺許若麥門冬草春綠夏青秋白冬則土人以火燎之焦而黑矣根紫色
細若線糾結成團堅如木石大者抱小者握自相聯絡參差立泥淖中馬行其上
最難一失足陷隙際不能起秋冬冰堅則如陸地然和尚頭仍不與冰等土人有
春夏取以爲枕者玩之絕可愛柳邊紀略自嘉祐禪至阿爾灘訥門山谷之間浞水
停瀦積草凝塵積塵生草新者上浮水際腐者退入於泥游根牽惹纍纍成墩馬
踏其上不慎則陷失足則墮水下馬步行庶免蹉跌土人謂之塔兒頭風從日錄

...

...

...

...

...

...

...

...

...

...

...

...

...

甯安縣志

風俗

絕域紀略謂甯古塔無所謂風俗也既無土著誰爲遺之誰爲流之乎八旗非盡滿人率因其種以爲俗華人則十三省無省無人亦各因其地以爲俗故曰無所謂風俗也姑亦就滿漢相沿之久而言風俗也此言誠然但吾國禮義之教人倫之化實足筭治羣生自來無論何種民族入處中華既久與漢人相習輒同化於無形徵之歷史固鑿鑿不虛况有清以來此邦人士以征戍仕宦出入關內文明灌輸已數百年乎茲就載籍所傳父老所述舉凡民風習俗分輯於篇倘他日轄軒蒞止聊補探訪之不及云爾

卷之六

其年友誼甚厚... 夫是以... 其年友誼甚厚... 夫是以... 其年友誼甚厚... 夫是以... 其年友誼甚厚... 夫是以...

寧安縣志

風俗

古俗

魏書勿吉其地下濕築城穴居屋形似塚開口於上以梯出入其國無牛有車馬
佃則耦耕車則步推有粟及麥樛菜則有葵水氣鹹凝鹽生樹上亦有鹽池多猪
無羊嚼米醞酒飲能至醉婦人則布裙男子猪犬皮裘頭插虎豹尾

隋書靺鞨地卑築土如堤鑿穴以居開口向上以梯出入相與耦耕土多粟麥樛
水氣鹹生鹽於木皮之上其畜多猪嚼米爲酒飲之亦醉婦人服布男子衣猪狗
皮人皆射獵爲業

舊唐書靺鞨最處北方尤稱勁健每恃其勇恒爲鄰境之患俗皆編髮性凶悍無
憂戚貫壯而賤老無屋宇並依山水掘地爲穴架木於上以土覆之狀如中國之
塚墓相聚而居夏則出隨水草冬則入處穴居父子相承世爲君長俗無文字兵

器有角弓及楛矢其畜宜猪富人至數百口食其肉而衣其皮死者穿地理之以身襯土無棺殮之具殺所乘馬於尸前設祭

契丹國志韃靼國無君長統轄微有耕種春夏居屋室中秋冬則穿地爲洞深可數丈而居之以避其寒

北盟會編女真冬極寒多衣皮雖得一鼠亦襯皮藏之皆以厚毛爲衣非入室時不撤稍薄則隙指裂膚盛夏如中國十月其人則耐寒忍饑不憚辛苦食生物勇悍不畏死善騎上下崖壁如飛濟江不用舟楫浮馬而渡精射獵每見野獸之蹤能躡而摧之得其潛伏之所以樺皮爲角吹作呦呦之聲呼麋鹿射而啖之但存其皮骨又其俗依山谷而居聯木柵高數尺無瓦覆以木板或以樺皮或以草網繆之牆垣籬壁率皆以木門皆東向環屋爲土牀熾火其下寢食起居其上謂之炕以取其煖奉佛尤謹以牛負物或鞍而乘之遇雨多張牛革以爲禦

舊唐書渤海韃靼風俗與高麗同頗有文字及書記

文獻通考渤海知書契習識古今制度號爲海東盛國

按渤海舊俗男女婚娶多不以禮必先攘以奔鬪禁絕之犯者以姦論

又渤海俗高麗契丹略等

按唐書云尙容止以趨走爲敬拜則曳一脚云云迨至滿清猶未改也

按渤海以武開國而能崇文化漢書謂武王封箕子於其地箕子教以禮義田蠶又制八條之教其人終不相盜無門戶之閉婦人貞信飲食以籩豆則其風俗從來尙矣渤海之先本與高麗爲一及其立國蓋不失舊觀也

契丹志熟女真國居民皆雜處山林無君長首領統轄精於騎射今古以來無有盜賊詞訟之事任意遷徙多者百家少者兩三家而已又云男子多智勇出他國右至有三人渤海當一虎之語又生女真居民屋宇耕養言語衣裝與熟女真國並同亦無君長所管精於騎射

金史又云女真人滿萬則敵於天下

大金國志女真舊絕小正朔所不及自興兵以後寢染華風帥將生朝皆自擇佳辰粘罕以正旦兀室以元夕烏拽馬以上已國主亶以七夕矣其他如重午重九中秋中元下元四月八日皆然

金人舊俗多指腹爲婚姻既長雖貴賤殊隔亦不可渝婿納幣皆先期拜門親屬偕行以酒饌往少者十餘車多至十倍飲客佳酒則以金銀斝貯之其次以瓦甌列於前以百數賓退則分餉焉先以烏金銀杯酌飲貧者以木酒三行進大軟指小軟指如中國寒具次進蜜餠人各一盤曰茶食宴罷富者淪建茗留上客數人啜之或以粗者煎乳酪婦家無大小皆坐炕上婿黨羅拜其下謂之男下女禮畢婿牽馬百匹少者十匹陳其前婦翁選之好則留不好則退留者不過什二三或皆不中選雖婿所乘亦以充數大抵以留馬少爲恥女家亦視其數而厚薄之一馬則報衣一襲婿皆親迎既成婚留於婦家執僕隸役雖行酒進食皆躬親之三年然後以婦歸用奴婢數十戶牛馬數十羣每羣九牝一牡以資遺之

金因遼舊俗以重午中元重九日行拜天之禮重五於鞠場中元於內殿重九於都城外其制剝木爲盤如舟狀赤爲質畫雲鶴文爲架高五六尺置盤其上薦食物其中聚宗族拜之若至尊則於常武殿築臺爲拜天所重五日質明陳設畢百

官班俟於毬場樂亭南皇帝靴袍乘輦宣徽使前導自毬場南門入至拜天臺降輦至褥位皇太子以下百官皆詣褥位宣徽使贊拜皇帝再拜上香又再拜排食拋盞畢又再拜飲福酒跪飲畢又再拜百官陪拜引皇太子以下先出皆如前導引皇帝回輦至幄次更衣行射柳擊毬之戲亦遼俗也

按上兩節均見省志

絕域紀略宮室象鳥獸而爲巢爲窟木頗材而無斧鑿卽樵以架屋貫繩覆以茅列木爲牆而墀以土必向南近陽也戶樞外而內不鍵避風也室必三炕南曰主西曰客北曰奴牛馬鷄犬與主伯亞旅共寢處一室焉近則漸分別矣漸障之成內外矣漸有牖可以臨窗坐矣漸有廡廬矣有小室焉下樹高柵曰樓子以貯衣皮無柵而隘者哈實以貯豆黍

聖武記柯城方拱乾謫居甯古塔歸作紀略言其地道不拾遺百里往還不裹糒不購芻秣不行銀錢以粟布交易牛躡人田則償其直雖章京不免此國初醇樸

之俗近聞漸不如初

絕域紀略無陶器有一瓷碗重如寶然羣不貴遂不足寶矣凡器皆木爲之出高麗者精復難得大率出土人手七筭盆孟比比皆具大至桶甕亦自爲之古打糕黃米爲之甚精有餅餌無定名但可入口卽曰佳也多洪有蜂蜜貴家購之以佐食下此不數數得鹽則取給於高麗每十月大宗伯特遣一驛使至甯古昂邦檄一牛祿督市鹽者以行其僕馬至高麗之會同府府去王城尙三千里荒陬猶甯古也其國亦遣一官受我使交易鹽及牛馬布鐵得還凡五六十日而始竣事聞其國亦以供應爲苦滿人得鹽乃高價以售漢人惟退而自啖其炕頭之醃齏水菜將霜取而置之甕冰浸火烘久而成漿曰勝鹽多多許

絕域紀略不用銀錢銀則買僕婦田廬或用之錢則外夷來貢時求作頭耳之飾至粟豆交易或鍼或線或烟筒大則布裕如也相見不揖從者皆坐坐以炕別每有需則與之無則拒之不懟也受所與必思有以酬之相遇必款款自道一酬卽

奉一鬻酬布帛所不計矣

又跳神猶之乎祝先也率女子爲之頭戴如兜整腰繫裙繫纍帶諸銅鐵搖曳之有聲口喃喃鼓嘈嘈以竿縮紬布片於炕而縛一豕以酒灌其耳與鬣耳鬣動卽吉手刃之取其腸胃而手撻之亦有吉凶兆女子韶秀者亦如歌舞狀老則厭男子更厭矣馬神則牽馬於庭中以紅綠布帛絲繫其尾鬣而喃喃以祝之云跳畢則召諸親戚啖生肉酌以米兒酒盡醉飽不許懷而出其戶曰神怒也尋常庭中必有一竿竿頭繫布片曰祖先所憑依動之如掘其墓割豕而羣烏下啖其餘鬻則喜曰祖先豫不則愀然曰祖先恫矣禍至矣

甯古塔無閑人而女子爲最如糊窗則搥布以代紙燒燈則削麻入膚糠以代膏皆女子手不碾而舂舂無晝夜一女子舂不能供兩男子食稗之精者至五六舂近有碾間橐粟以就碾舂餘卽汲霜雪井溜如山赤脚單衣悲號於肩擔者不可紀皆中華富貴家裔也傷哉

百里往還不裹糧牛馬不携粟草隨所投如舊主人焉主人隨所拱不責報亦無德色

病不問醫無醫安問死則以敝船爲槨三日而火章京則以紅緞旌之撥什庫則以紅布再下則紅紙俗賤紅而貴白以紅乃送終具男子死則必有一妾殉當殉者卽於生前定之不容辭不容僭也當殉不哭艷妝而坐於炕上主婦率其下拜而享之及時以弓絃扣環而殞倘不肯殉則羣起而縊之死矣

滿人不知有佛誦經則羣伺而聽始而笑之近則漸習而合掌以拱立矣西達子則知有佛有經能膜拜大約與喇嘛教同與西土異不祀神惟知有關帝亦無廟近乃作一土龕

稗子貴人食之下此皆食粟曰粟有力也不飲茶

同上

盛京志甯古塔人性直樸善佃獵尙純實耕作之餘尤好射獵自漢字事件日增

益競於文墨

并見吉林外紀

柳邊紀略俗尙齒不序貴賤呼年老者曰馬法馬法者漢言爺爺也呼長者曰阿哥新歲卑幼見尊長必長跪叩首尊長者坐而受之不爲禮首必四叩至三則跪而昂首若聽命者然尊長者以好語祝之乃一叩而起否則不起也少者至老者雖貧必隅坐隨行出遇老者於途必鞠躬垂手而問曰賽音賽音者漢言好也若乘馬必下俟老者過老者命之乘乃敢避而乘宴會必子弟進食行酒不以奴僕客受之亦不酢往來無內外妻妾不相避年長者之妻呼爲嫂少者之妻呼爲孀子若弟婦

婚姻擇門第相當者先求年老爲媒將允則男之母徑至女家視其女與之簪珥布帛女家無他辭男之父乃率其子至女之姻戚家叩頭姻戚家亦無他辭乃率其子姓羣至女家叩頭金志所謂男下女禮也女家受而不辭辭則猶未允也既允之然後下茶請筵席此男家事也女家惟賂送耳結婚多在十歲內過則以爲晚

上元夜好事者輒扮秧歌秧歌者以童子扮三四婦女又三四人扮參軍各持尺許兩圓木戛擊相對舞而扮一持傘燈賣膏藥者前道旁以鑼鼓和之舞畢乃歌歌畢更舞達旦乃已

十六日滿洲婦女羣步平沙曰走百病

正二月內有女之家多架木打鞦韆曰打油千

歲除必貼紅紙長聯聯貴四六歲易新句或與舊稍同則不樂

十月人皆臂鷹走狗逐捕禽獸名打圍按定旗分不拘平原山谷圈占一處名曰圍場無論人數多寡必分兩翼由遠而近漸次相逼名曰合圍或一日一合再合所得禽獸必享親友

滿人有病必跳神亦有無病而跳神者富貴家或月一跳或季一跳至歲終則無有弗跳者未跳之先樹丈餘細木於墻院南隅置斗其上謂之曰竿祭時著肉斗中必有鴉來啄食之謂爲神享跳神者或用女巫或以豕婦以鈴繫臂後搖之作

聲而手擊鼓鼓以單牛皮冒鐵圈有環數枚在柄且擊且搖其聲索索然而口致頌禱之詞詞不可辨禱畢跳躍旋轉有老虎回回諸名色供祭者猪肉及飛石黑阿峰飛石黑阿峰者黏穀米糕也色黃如玉質膩糝以豆粉蘸以蜜跳畢以此徧餽鄰里親族而肉則拉人於家食之以盡爲度不盡以爲不祥

糠燈俗名蝦棚以米糠和水順手黏麻稽逆手黏則不可燃曬乾長二尺餘插架上以三歧木爲架鑿空其端

橫糠燈於中或木牌削木牌鑿數眼於上懸之梁下光輿燭等

柳邊紀略扒犁土人曰法喇以木爲之犁有駕車而無輪轆長而輓雪中運木者也駕以牛烟囪多以完木之自然中虛者爲之久之碎裂則護以泥或藤縛之土人呼爲摩調郎

柳邊紀略甯古塔薪不須買二十年前門外卽是今且在五十里外必三四鼓聲食往健者日獻兩車弱者獻一車原註俗以伐木爲第一等勞苦每年冰雪中運一年之薪積於舍南

若出二三月凍閉不可運矣原註全開合抱之木一二斧即剖十餘斧即斷他時則否富者奴任之貧者子若孫任之

或無子孫則僱倩人間有買者大率二錢一車冬春所燒皆溼木然入炕則熱夏秋則不乾不熟矣

又十年前行柳條邊外者率不裹糧遇人居直入其室王者盡所有出享或日暮讓南炕宿客而自臥西北炕馬則煮豆麥剉草飼之客去不受一錢他時過之或以鍼線荷包贈則又煮乳豬鵝鷄以進蓋是時俗固厚而過客亦不若今日之多也今則走山者以萬計蹤迹詭秘倉卒一飯或一宿再宿必厚報之而居者非雲貴流人則山東西賈客皆巧於計利於是乎非裹糧不可行矣然宿則猶讓炕炊則猶樵蘇飯則猶助瓜菜尙非中土所能及

滿洲有大宴會主家男女必更迭起舞大率舉一袖於額反一袖於背盤旋作勢曰莽勢中一人歌衆皆以空齊二字和之謂之曰空齊蓋以此爲壽也每宴客坐南炕主人先送烟次獻乳茶名曰奶子茶次注酒於爵承以盤客年差長主長跪以一手進之客受而飲不爲禮飲畢乃起客年稍長於主則亦跪而飲飲畢客坐

主乃起客年小於主則主立而酌客客跪而飲飲畢起而坐與席少年欲酌同飲者與主客獻壽等婦女出酌客亦然是以不沾脣則已沾脣則不可辭蓋婦女多跪而不起非一爵可已又客或懼醉而辭則主不呼婦女出出則萬無不醉者矣凡飲酒時不食飲已乃設油布於前名曰劃單即古之單也進特性以解手刀割而食之食已盡賜客奴奴席地坐叩頭對主食不避

同上

柳邊紀略陳敬尹爲余言曰我於順治十二年流甯古塔尙無漢人滿洲富者緝麻爲寒衣持麻爲絮貧者衣麀鹿皮不知有布帛有之自余始余曾以疋布易稗子穀三石五斗有撈什庫某得余一白布縫衣元旦服之人皆羨焉今居甯古塔衣食躡足則皆服紬緞矣

童子相戲多別響麀鹿前霞前骨以錫灌其竅名噶什哈或三或五堆地上擊之中者盡取所堆不中者與堆者一枚多者千少者百十各盛於囊歲時閑暇雖壯者亦爲之

甯古塔紀略房屋大小不等木料極大只一進或三間五間或有兩廂俱用草蓋
草名蓋房草極長細有白泥泥牆極滑可觀牆厚幾尺然冬間寒氣侵入視之如
霜屋內南西北接繞三炕炕上用蘆席席上鋪大紅氈炕闊六尺每一面長二丈
五六尺夜則橫臥炕上必并頭而臥即出外亦然櫥箱被褥之類俱靠西北牆安
放有南窗西窗門在南窗之旁窗戶俱從外閉恐夜間虎來易於撞進靠東邊間
以板壁隔斷有南北二炕有南窗卽爲內房矣無椅杌有炕桌俱盤膝坐客來俱
坐南炕內眷不避無作揖打恭之禮相見惟執手送客垂手略曲腰如久別乍晤
彼此相抱復執手問安如幼輩兩手抱其腰長者用手撫其背而已如以右手撫
其額點頭爲拜如跪而以手撫額點頭爲行大禮婦女輩相見以執手爲親拜亦
偶耳除夕幼輩必到長者家辭歲叩首受而不答等輩同叩元日城門必嚴列旌
旗弓矢以壯威武家家必於半夜賀歲如遲至午便爲不恭矣滿洲人家歌舞名
莽式有男莽式女莽式兩人相對而舞人旁拍手而歌每行於新歲或喜慶之時

皇上於太廟中用男莽式禮

扈從東巡日錄甯古塔臨江而居以木爲城地極寒八月卽雪清明冰乃解人勁勇重信義道無拾遺人不敢私鬪官民相習獄無枉繫宛然有陶唐氏之風焉

柳邊紀略甯古塔交易銀數不計奇零如至兩則不計分釐至百十則不計錢分食用之物索於所有之家無勿與直一兩以上者價之不則稱謝而已若有而匿不與人或與不盡則人皆鄙之

絕域紀略八旗之居甯古塔者多良而醇率不輕與漢人交見士大夫騎必下行必讓道老不荷戈者則拜而伏過始起道不拾遺物遺則拾之置於公侯失者往認焉馬牛羊逸三日不歸則牒之公或五六月之久尙能歸

惟聯人田則責牧者罰其直雖章京家不免焉

柳邊紀略凡臥頭臨炕邊脚抵窗無論男女尊卑皆并頭如足向人則謂之不敬惟妾則橫臥其主脚後否則賤如奴隸亦忌之頭不近窗者天寒窗際冰霜曉且盈寸近窗衾裯亦爲寒氣所逼每不乾乃知頭臨炕邊亦不得已近見炕皆外高

內低覺更便但不甚濶人稍長便須斜臥而絕無增廣之者

柳邊紀略清明掃墓富貴者騎馬乘車貧賤者將祭品羅列炕桌上女人戴於頭上而行雖行數里不用手扶而自不傾側即平日米糧箱籠俱以頭戴

甯古塔紀略有疾病用草一把懸於大門名曰忌門雖親友探望只立於門

外間安而去

穆昆達滿語也譯漢語爲族長穆昆達如出缺時合族當另謀推舉惟事先聚族人於一地取族譜懸挂於中央偕向族譜行三跪九叩禮禮畢公議舉年長品學俱優者接充被舉人必力謙辭緣穆昆達能以全權處罰族丁最易招怨故人多不願被舉既舉後族人立以杯致敬要求被舉人允可而後止如不允似違祖制是以被舉人最後亦不得不允可也允可後仍須呈明旗署轉報大部註冊迨遇有族人違法作不正當行爲待至春秋祭祀時當衆詰問如事已証實罰向祖坟前跪之以柳條鞭責數之多寡論應罰之輕重爲衡此亦猶南人之族規究不外

酋長時代各部落自治之遺意也

新調查

甯安縣志

風俗

今俗

民族婚禮

甯安住民分漢滿回三族其婚禮互有異同茲略述之

漢族及滿族 甯安原爲滿族之發源地後漢族移居者多於是漢滿雜處漸相水乳其結婚儀式亦遂混合而無顯著之差異矣大抵男家欲求婚於女家須先託女家至戚或知交一人爲媒略備贄品前往女家致意（卽古納采之意）如女家首肯卽將女子生年月日時開送於男家（卽古問名之意）請日者推算其命運之優劣及與男命之有無冲尅（俗謂合八字）如均允協媒人再往告女家（卽古納吉之意）並議聘禮如女家所求不奢（甯邑婚制大抵不外注重聘金上等社會所求尙屬輕微及中下等人家每嫁一女動索鉅資加以首飾衣服等物

實最陋之習俗也。男家卽具備各物親往女家送之（卽古納徵之意俗曰過禮）。此舉漢族男子必同往滿族反是。旋即擇吉遣媒告之女家（卽古請期之意俗曰問娶）。女家無異言卽預備親迎矣。婚期前數日男家須將一切聘禮如數遣媒人送於女家並協同年長婦女一人持剪刀爲女子裁衣一件亦有僅作形勢者俗謂開剪子亦曰過大禮。滿語曰送烏林。及婚期男家門列鼓樂（通用單班家資富厚者間用兩班）。新郎身披彩紅頭插金花乘馬或坐轎前赴女家親迎。如男家距女家在十餘里或三四十里者新郎須於前一日赴女家留宿一宵翌晨迎新娘歸若距離較近便於前一日乘馬或坐轎在大街遊行一過俗曰亮轎及翌晨往女家親迎之如往返途中遇他姓娶親者新郎須與他姓新郎交換物品一具然後行歸時途遇井墓廟石均障以紅氈新娘入門後擇吉方降輿由少年婦女攙扶下轎地鋪紅氈婦帕首胸負銅鏡至香案前與婿同跪拜曰拜天地。一南向拜者謂拜南天門北向拜者謂拜北斗。然後婿前導婦抱寶瓶後從瓶。

內滿置金銀五穀之屬又門限上安置馬鞍一具上置銅錢令新郎跨過（跨後
卽將馬鞍撤去亦有將馬鞍上之銅錢置於新郎肩上者）門內左右侍立童男
女二手持棗栗等物向新娘灑之（取早立子之意）及抵帳婿以手揭帕置於懷
（從前皆以秤杆揭帕後以其危險乃改以手揭之）（俗曰抓蓋頭）偕婦坐帳中（俗
曰坐帳）家人持糖水交飲之意謂使新郎與新娘意思甜美也然後新娘佩帶
整齊與新郎行合巹禮并食水角曰管小飯亦曰配親（俗曰吃見面飯）日中婦
家戚黨至婦出堂同婿祀竈拜舅姑及姻戚長者次日婦以女紅獻翁姑及尊長
姻婭有差曰散箱女家贈嫁豐儉惟力是視臨嫁時戚黨各贈釵環陳設諸物曰
添箱嫁之日女家之戚舊男婦各數人從曰新親亦有邀請戚族男婦十數人或
二三十人前往者名之曰吃宴席七日女家延婿及女款以盛饌曰回門亦有七
日女家只延女回門越日送歸曰接七換八月後女家迎女歸曰住對月及度陰
歷年時姑嫜率新婦拜謁宗戚鄰里曰拜新年此滿漢二族婚制之大概也現在

文明日進婚制改良城中士紳亦間有採取最新儀式者然鄉間風氣晚開多泥舊俗

回族 回族婚禮與漢滿通行之禮迥異與近代文明結婚禮略同而其中儀式又微有不侔凡男家欲求婚於女家先遣媒妁致意女之父兄須陰以問女如女不之理其父兄卽不相強若女掩面哭卽係允可之意其父兄卽出而應允男家選擇柱麻日（吉日也）每月有四凡舉行祭祀禮拜均於是日行之（具備贄品同媒妁及教長赴女家行拿手禮（行禮時教長以手與女之父兄手交互相合口誦經文）雙方交換條件女家以金貨與男家作爲標記旋女家以男家之禮物祭祀祖先告女業已字人及婚期男家置酌邀戚友舉行親迎禮其行禮時之儀式大約招待員證婚人（卽教長主婚人介紹人來賓次第入席後禁止女賓）男主婚人面向內與衆行禮互道安甯（此時由教長以下依次入座）新郎入席跪於證婚人前證婚人爲立證書且宣讀之令新人各自簽字交卡賓錢（此時由

女家主婚人代女索身價錢卽時由新郎自行交出多寡視貧富而定惟至少必番餅十枚以上而後證婚人讀贊詞打洗澡教長以棗向新郎投之以表慶賀意行捧手禮（此時諸種手續完備自教長以下均捧手覆面默邀教主庇佑）新郎卽依次行禮禮畢乃退席及翌日新婦拜見親戚尊長仍請教長爲誦經文新郎親赴祖塋祭祀之以告已已舉行婚禮此外如不用鼓樂不拜天地均係與漢滿不同處而其最特異者卽女家無論受男家之聘禮與否旣女之父兄出口應允（通曰口換）卽永無更異此又與漢滿族之動輒悔婚者愈矣

民族喪禮

漢族及滿族 漢族喪日先擇入殮之期及殃煞起落一切避忌曰開殃榜合族成服三日親朋持香楮來弔喪家具飲食款之午後均往土地廟或城隍廟以鼓樂前行次則儀仗僧道祭品札彩又有捧香鑪者數人以青紗轎昇靈位男女孝服以從戚友亦至曰送三閱六日爲迎七仍用鼓樂備筵席戚族咸集夕設祭於

烟筒下合族哭拜焚香紙曰上望鄉嗣後每七日舉祭禮以七七爲度擇期發引高設席棚殯之前三日爲開弔門外設鼓樂列儀仗立銘旌親鄰皆至次日成主家祭延齒德爵者點主先日酬奠紙楮屏幃之屬以多爲上殯日以十餘人舁銘旌以六十四人或三十二人以木槓舁靈柩赴塋地安葬曰出殯惟一切儀節皆稱家之貧富爲增減葬後三日復往以土培墳曰圓墳事畢孝子踵謝各親友至百日周年祭拜培土於墓親友亦有餽送聘儀者此漢族喪葬之大略也滿族喪葬舊風不奉木主亦無銘旌惟於院中立丈餘高杆掛幡每日叩奠三次其棺木較漢族用者高出半倍(俗曰達子材)餘與民俗同

回族 回族人死之後無論老幼貧富至多不得在家停放三日(漢滿族如父母親喪有在院中停放半年者)殯期請教長宣讀真經將死者全身沐浴清潔用白布或白綾纏裹全身使公用經匣(係抽屜式者)裝運至墳其墳先用木鑲成四框無底無蓋將經匣落於墳上抽其底死者落於墳中此時如死者仰面墜

家人均大歡喜無哭泣者以爲死者已入天堂矣如墜時覆其身則家人皆痛哭以爲將入地獄請教長多誦真經以超渡之死人不出三年其家人隨時可坐家中痛哭惟未嫁之女哭其親時必須二人對面坐攜手哭之此回族喪禮之大較也

民族祭禮

漢族及滿族 漢族對於祭祀無特殊儀式率於寢室之北爲龕以板爲牌或以紙爲帳上書高曾祖禰之名諱以妣配位於每年年終及歲首設香案於前荐以餅餌羹飯之類家人自族長以下均跪拜如儀平時於每年三月清明七月望日十月朔日具備紙楮前往墓前祭之滿族則每年兩次舉行家祭祭時於上房西炕排列木人或各色綾條用以代表祖先（非個人之祖先乃滿族公共之祖先故雖曰家祭其實國祭）祭之前一日以黍米煮熟搗作餅曰打羔薦享後以食噉族又於族中擇一人爲察瑪戴神帽繫裙搖鈴持鼓跳舞口誦吉詞衆人擊鼓

相和曰跳家神祭用豕割豕肉置盤內供於神前名阿瑪尊肉至晚復獻牲如晨禮晚間撤燈而祭名曰避燈祭神之肉不得出門惟避燈肉可以餽親友又立七尺七寸或九尺三寸高細木於院內之南隅置斗其上形如淺碗名曰祭桿祭之次日獻牲於桿前謂之祭天以豬腸及肝肺生置其中用以飼鳥又以豬之喉骨貫於桿梢再祭時則以新易舊

回族 回族祭禮較喪禮爲重喪葬因日期迫促儀式頗爲苟簡惟祭禮則於死後七日四十日周年等均量力舉行設筵致祭哭泣盡喪并在禮拜寺作油香一以麵作扁圓形用油炸熟之一分食親友此外公祭照例於柱麻日羣赴禮拜寺齋拜祈福是又宗教之儀式而非普通之祭禮矣

民族風俗

甯安爲吉省舊邑土地膏沃人民勤儉守信義重宗法鄉民往來用口頭契約恆數世不爽窮苦之人到處游食無能或拒者無子嗣必於族中查明昭穆由本人

擇一相當之人繼承之擇賢擇愛悉由自便並邀請族長族人及戚黨之老者爲證人書一字據各簽押字名過子單凡所有財產悉歸繼承之鄉居之民除少數讀書以圖仕進外率務耕稼城居者半攻讀半習商現在文明日進學校日多鄉民亦漸知遣子入學惟素奉佛教迷信特深鄉間婦孺幾無人不有神鬼之觀念以故廟宇到處林立崇祀物類繁多關於祈禱淫祀幾無時無之最著者每年四月十八日城鄉婦女均赴娘娘廟焚香拜祀端午節縣城人民均往城西觀音閣焚香拜祀而婦女尤夥鄉間農民恐蟲蝗害稼均於六月六日集資殺牲以報賽蟲王又七月十九日城鄉男婦均攜香楮至地藏王廟拜祀十二月二十三日夜祀竈神供錫饊焚香紙放炸爆謂之過小年漢滿之風俗大抵如此回族則又稍異喜羣居務生產雖五尺童子亦知習負販以維生活較漢滿大家子坐食祖宗之遺蔭其相去何啻霄壤惟性情狹隘圖小利喜奮鬥以視漢滿之寬厚優容則又相差多矣

王明

...

...

...

...

...

...

...

...

...

...

...

寧安縣志

賑卹

考春秋書災不書祥書事不書驗者蓋以和致祥乖致戾使人知所恐懼而假以修省也前清以來國家遇水旱偏災輒發賑蠲賦意在重視民命藉紓民力豈僅示惠云爾哉論民國治體救災備荒以及各項慈善事業本屬自治範圍全賴市民毅力熱心求其完備若官廳之力祇提倡乎平時主持其上而受其成耳茲略舉從來賑濟之事實分綴於后俾後來者得以考證焉

物之與我亦猶其以用而為我者以用而為

物之與我亦猶其以用而為我者以用而為
物之與我亦猶其以用而為我者以用而為
物之與我亦猶其以用而為我者以用而為
物之與我亦猶其以用而為我者以用而為
物之與我亦猶其以用而為我者以用而為
物之與我亦猶其以用而為我者以用而為
物之與我亦猶其以用而為我者以用而為
物之與我亦猶其以用而為我者以用而為
物之與我亦猶其以用而為我者以用而為
物之與我亦猶其以用而為我者以用而為

禮記

卷之五

甯安縣志

前代蠲賑

嘉慶以前無考

嘉慶十八年甯古塔及阿勒楚喀所屬海溝等八屯霜雹害稼緩徵甯古塔本年義倉糧五百七十六石公倉糧三千九百石民戶地丁米折銀二千六十七兩阿勒楚喀旗人公倉糧二千七百九十三石義倉糧一千八百石並緩甯古塔十七年帶徵義倉公倉糧石民戶地丁米折銀兩是年蠲三姓嘉慶十六年份旗人舊欠公倉糧四千五百石義倉糧七百二十石緩徵本年旗人公倉糧四千五百石義倉糧七百二十石

案

嘉慶十九年秋甯古塔霖雨爲災早霜殺草緩徵旗人舊欠糧九千一百四十石民人舊欠地丁米折銀兩二千零六十七兩零

案

道光八年十一月甲子賑甯古塔等處水災口糧並緩徵新舊額賦

東華續錄五

九年十二月戊子緩徵甯古塔三姓歉收額賦

同上

十年十一月緩徵甯古塔旗民逋賦 同上

十一年十一月蠲緩甯古塔雙城堡霍災霜災新舊額賦

十五年吉林霖雨災九月蠲甯古塔旗人舊欠公義倉穀三千九百九十三石民

戶舊欠地丁米折銀八百二十四兩 案檔

十八年十月緩徵甯古塔旗人本年公義倉穀石民人地丁米折銀兩 同上

十九年十月緩徵甯古塔旗民公義倉穀石地丁米折銀兩 同上

二十年十一月展緩甯古塔三姓旗民站丁逋賦 東華續錄十

二十六年秋七月賑三姓及甯古塔等水災 同上

同治元年十一月緩徵甯古塔旗人咸豐十一年舊欠公義倉穀春借秋還穀

接濟壯丁站丁口糧等穀一萬一千七百餘石泰甯社地丁米折銀一千六百九

十九兩零 案檔

同治二年十二月賑甯古塔旗丁官莊壯丁站丁等倉穀三萬零三百餘石蠲免

本年各項穀銀

九年閏十月緩徵甯古塔本年暨舊欠公倉穀一千六百五十五石

十年緩徵甯古塔旗人新舊公義倉穀石民人新舊地丁銀兩

光緒五年十二月緩徵甯古塔旗人本年公義倉穀四千五百餘石民戶地丁米

折銀一千六百九十八兩零

以上俱據檔冊

光緒二十一年十一月

光緒二十一年十一月

光緒二十一年十一月

光緒二十一年十一月

光緒二十一年十一月

光緒二十一年十一月

光緒二十一年十一月

光緒二十一年十一月

光緒二十一年十一月

光緒二十一年十一月

光緒二十一年十一月

光緒二十一年十一月

寧安縣志

民國蠲賑

民國五年夏季地畝被水淹成災已經實行蠲免緩徵蠲免地七百九十晌零零九分計租洋三百九十五元零四分五厘緩徵地三百三十八晌六畝一分計租洋一百六十九元零三分五厘

民國十年夏季地畝被旱成災迄今並未奉批故未實行蠲免緩徵計呈請蠲免地九百十二晌計租洋四百五十六元四角五分緩徵地一千七百八十五晌五畝四分四厘計租洋八百九十二元七角二分

民國十二年夏季地畝被丹蜜成災業經呈請尙未奉令實行蠲免緩徵計呈請蠲免地三萬零零六十六晌七畝計租洋一萬五千二百八十三元三角五分緩徵地二萬三千二百八十一晌九畝八分計租洋一萬一千六百四十六元一角四分九厘

縣志

附錄二萬三千二百八十一部武庫八千七百七十一萬一千六百四十六元一
附錄三萬零六十六部武庫一萬二千八百八十三元三萬五千
附錄十二平夏軍械每代軍兵與禁軍兵械向來軍令實行國家發給惟是
附錄十四軍械每代軍兵與禁軍兵械向來軍令實行國家發給惟是

附錄百十二部武庫自正十六國武正也與禁軍一千八百八十五部正
附錄十部武庫每代軍兵與禁軍兵械向來軍令實行國家發給惟是
附錄一百六十六部武庫三萬五千

武庫每代軍兵與禁軍兵械向來軍令實行國家發給惟是
武庫正平夏軍械每代軍兵與禁軍兵械向來軍令實行國家發給惟是

列國圖

寧安縣志

賑卹

慈善

本縣每年至冬令由官紳在城東坑設立貧民乞丐粥廠一處自冬至起閱八十一日而罷(俗稱九九)俾無衣之老弱殘廢貧民就食其間藉資生活該廠所需之款向由地方官及紳商臨時捐募此舉辦理已歷有年矣

本縣設有紅十字分會一所經吳瓊於民國十一年三月三十日稟請北京中國紅十字總會照准立案於是年八月十五日招募會員組織成立並在會內附設施醫院按日施診施藥並種牛痘所需藥資由會籌募至十二年二月間因募款維艱醫院停止復經孫彥卿接辦施診施藥等舉均仍舊並於十二年十一月一日招集會員另行改選其名譽會長爲蔡旅長永鎮王監督世選正會長爲孫彥卿副會長爲倪紹泉理事長爲吳瓊理事爲李學謙季星爛餘不贅錄此外如公

立醫院育嬰堂清節堂種種義舉方在提議尙未實行組織也

且濟南府員以行約款其善舉實共計種種是也此項正濟州縣兩管員當即
籌款籌辦設立醫院育嬰堂清節堂種種義舉方在提議尙未實行組織也
籌辦經費由日商捐輸並籌辦中並得濟南府會館經理至十二平二日國國藥
味十平縣曾備辦立其款平八員十近日辦其會館經理與立並亦會成開高
本縣是亦十平員會一而籌其款外則十一平三員三十日國國藥其平中
立為濟南縣官立其性而和而而並其籌辦與國官平矣

一日而而二會得其款其善舉實共計種種是也此項正濟州縣兩管員當即
籌款籌辦設立醫院育嬰堂清節堂種種義舉方在提議尙未實行組織也
本縣是亦十平員會一而籌其款外則十一平三員三十日國國藥其平中

及

寧安縣志

藝文

昔班孟堅著漢書分爲十志終以藝文蓋以藝文可以覘一時風俗之升降人民學術思想之變遷也後之史書多仿其體例以藝文爲終蓋不僅在採名篇輯衆體示鴻博已也滿洲文物遠唐時渤海而燦著甯安則其故都聲教東漸首推渤海惜碑碣無存文辭可考者甚少徒令千載後景慕而已茲僅就滿清見於載籍者略搜集數篇後附近人著作聊補其闕顧吾意宋代如洪皓許亢宗等輩皆中原文學之選其時以奉使東來或久羈此土必有採風咏物之作能說山川不僅如乾隆朝所輯四庫總目箸錄之數種奈年湮代遠傳世殊稀談斯邦文獻之士彌復慨想者夫

寧安縣志

藝文

詩歌

清聖祖賜甯古塔將軍巴海詩

並序

鎮守甯古塔等處將軍巴海豐沛舊臣疆場重寄宣威布德招徠遠人朕甚

嘉焉爰賜篇章以旌乃績

夙簡威名將略雄高牙坐鎮海雲東旌麾到處銷兵氣壁壘開時壯武功盡使版圖歸化日遠教邊徼被皇風酬勳世錫丹書重勉爾長思報國忠

清高宗詠東珠詩

東珠出俄同江及烏拉甯古塔薩河中間圓瑩白大可半寸小者亦如菽類王公等冠頂飾之以多少分等秩昭實貴焉

出蚌陰精稱自古大東毓瑞未前聞混同鴨綠二江名圓流夥合浦交州獨產分

取自珠軒供賦役

採珠者乃打牲烏拉包衣下食糧人戶合數人爲一起謂之珠軒以四月乘舟往至八月回各以所得之珠納之於官如供賦然

殊他番戶效殷勤

緯蕭亦鐵留名喻沽粵難更舊制云

又詠人蓀

深山邃谷中，蘂枝滋茁歲。產既饒，世人往往珍。爲上藥，蓋神皋。鍾毓厥草效，靈亦王氣悠長之一徵耳。

奧壤靈區產草神，三極五葉邁常倫。卽今上黨成凡品，自昔天公葆異珍。

昔陶宏景稱人蓀產

上黨者佳，今惟遼陽吉林甯古塔諸山中，所產者神效上黨之蓀，直同凡卉矣。

氣補那分邪與正

人蓀固能扶風濟弱，然余謂其助正氣卽助邪火而人多思藉以資補，每受其害而不悟，亦足隘矣。

口含可別僞和真，文殊能活口龍。殺冷笑迷而不悟人。

前題

性溫生處喜偏寒，一穗垂如天竺丹。五葉三極雲吉擁，玉莖朱實露甘溥。地靈物產資陰鷲，功著醫經注大端。善補補人常受誤，名言子產悟寬難。

詠鱧鯉魚

有目鰓而小，無鱗巨且脩。鼻如矜闍戟，頭似戴兜鍪。一雀安能齧，半豚底用投。伯牙鼓琴處，出聽集澄流。

再題東珠六韻

詎是鮫人泣兼非外域求地靈多瑰產水德正圓流龍吐豈無謂鷄銜亦可侔楚
人非善賈河上有深謀擲米光能變傾盤走不留何須較合浦早愧五湖投

和御製塔兒頭歌元韻

按塔兒頭即紅眼
哈坍塌泥地也

汪由敦

寒行沙磧何茫然林麓縈帶鬢沸泉不疏不導澤沮洳淤泥中有長菱牽根盤葉
覆積豐草春茁多枯夏秋潦馬駝踏草輒於羈一失足陷千尺湫草頭時見瀾瀾
波草底淖濤且奈何想從草底仰波面浮圖尖幾由旬多風濤而外有若此坎險
視人身所履安得平開萬頃湖往來利涉招舟子

前題

金德瑛

有草不遭野火然有水不作通流泉積之萬古永陳腐似紅似墨相糾牽馬蹶只
踏離離草孰知暗裏藏積潦束藁成隄一綫中勉強爭趨愁隘湫凹者如穴凸如
坡陷不可出將奈何長者十里或五里短者數丈連綿多龍行虎步猶經此忍說

凌兢擇所履不聞折坡險羊腸王尊忠臣非孝子

和御製松子元韻

劉綸

虛濤起天半離立滲長松古貌又古心顛氣含清空有如全真子鮑耆顏彌童層
臺粲玉粒胎息香霧重仙人善吐納休糧此山中緗核厭碧柰素的噲金蓉忽夢
十八公采珍嘗見逢翊且聞和鑾持獻林衡同瑤田種青精透甲輸芬濃願壽西
王母丹梯擷凌風連臂雖教獮探領空呼龍白苓與赤豔竟付樵蘇翁詔下禁伐
樹曠然爲發蒙毋俾後凋質乃隨陽木攻敵維至教宣靈產資元功

前題

汪由敦

北產薦嘉秩最數榛與松松子實尤勝不比榛多空

蘇云十
榛九空

向聞學仙術久餌顏如

童泛茗玉甕清飮盤玉顆重欲識採擷處今見窩集中鬱鬱復森森連林冠芙蓉
青鱗緜絳塔往往枝間逢外介而內腴輒美安可同金粉糝花細琥珀流脂濃一
撥繁葉實爲想謾謾風不知幾千歲蟄此百尺龍疑從支離叟便訪穀城翁卽看

珠采湛尙有香雲蒙棟梁蘊瓊材樵蘇遠難攻落實全其天保護依神功

和御製採珠行元韻

劉綸

天地沉瀝滄海淪光涵璣斗潛效珍從來至寶恥魚目肯隨蜃蛤蠹荒村
踞海壖勝龍宮鮫室難具論一江澧洄作璇折分形滿月珠胎真御艦臨
採映山黃帽朝曦新健丁緣索快深探松醪恩意歡沾脣取玉無多石去璞
幾許砂披銀老蚌出川媚乍獻殼積頑礦皆枯皺因知象罔蓋喻道勤求
赤水庸辭幸聖文璀璨照百琲敢持瓦礫希圓神

前題

汪由敦

長源星漢波沚淪天寶所萃多潛珍虞衡著籍採珠戶千家散處江邊村
年年洲採貢天府甲乙品第公評論

珠戶歲以多鈔貢珠內務府大臣及工部會定差等

翠華東巡歷江滸臨淵一試知其

真是時秋字正寥沈纖雲無翳江光新旗丁袒入鮫人室出沒深觀沿沙脣足探
得蚌俯而抬剖出一一堆白銀夜光明月雖空見勻圓類采無瑕玆迴旋出瀆沁

肌骨縋舟繫石多苦辛觀餘行賞灑宸藻瓊瑣萬斛眞通神

前題

金鑣瑛

異物自秘如隱淪時當盛明方效珍疑有驪龍抱之臥光媚夜耀東西村鮫人蠶
戶供職役凌波蹈險非所論茲當萬乘親臨采魚目遠遁留其眞中秋節屆桂魄
滿上下相映爭鮮新老蚌潛居特得計閉戶噤口深緘脣一朝獮豸探幽底剖剔
磊落流盤銀呈能獻技務多取敢惜手足皮膚皴帝曰汝寒暄汝酒勝如挾纊忘
勞辛留餘不盡毋竭澤藏珠于淵司以神

陪飲巴大將軍宅作

吳兆熊

佳興南樓月正新森沈西第夜留賓圍爐捲幔初飛雪擊劍行杯不起塵四座衣
冠誰揖客一時參佐盡文人褐衣久已慙珠履不敢狂歌吐錦茵

長白山五言

長白雄東北嵯峨俯塞州迴臨滄海曙獨峙大荒秋白雪橫千嶂青天瀉二流登

封如可作應待翠華遊

奉贈副帥薩公（時專鎮雷古）

彤墀詔下拜輕車千里雄藩獨建牙
共道伏波能許國應知驃騎不爲家
星門晝靜無烽火雪海風清有戍笳
獨臂秋鷹飛鞞出指搗萬里獵平沙

西山閣晚眺

落日憑闌四望開江流如帶抱山迴
雲林晴色秋橫野雪嶺寒光晚照臺
萬里塞垣長放逐百年鄉國未歸來
天涯此日無衣客愁聽清砧處處哀

自木丹還城作（按木丹卽牡丹之音轉）

蕭蕭征馬涉溪流颯颯寒旌背驛樓
萬里獨來天北極十年空逐海西侯
秋深城闕還悲角老去關山只敝裘
日暮登臺瞻大漠黑松黃草不勝愁

可汗河曉望

長河決瀉抱孤城河渚蒼蒼牧馬鳴
旌旆曉迷雞嶺色風濤春走雁沙聲
近邊亭

障千年蹟出塞星霜萬里情
羈戍自關軍國計敢將筋力怨長征

沙嶺晚歸

寒溪不可涉驅馬出平沙
半磧餘秋燒千山只暮笳
驚心烽火急回首塞垣賒
終歲愁奔命何勞問海楂

沙林道(卽沙蘭)夜行聞鶴詩

空外皋禽度沙邊倦客行
那知遙夜唳偏恨獨遊情
影落霜岑遠聲傳月澗清
憐君霄漢侶何事入遼城

沙林同友人登完顏故臺詩

廢磴盤紆嶺色迴與君登眺
暫顏開單車絕塞雙蓬鬢
落日清秋萬古臺蕃劔擊
殘歌自苦吳簫吹遍調偏哀
最憐酒半憑欄處蕭瑟江山只雁來

早發尼什哈詩

繞帳笳聲促夜裝明星欲落
霧蒼蒼征途咫尺迷孤嶂
殘夢依稀認故鄉雪盡龍

山三伏雨風嚴雁積五更霜據鞍卻望黃沙外此地由來百戰場

赫爾蘇

原作黑兒逆

河眺望詩

長河渺難涉歇馬暫躊躇地隔三韓外人看萬死餘沙陰低遠幕草色上征車竄
逐前賢事飄蓬愧未如

又喇伐道中詩

平明吹角起征鴻又逐征鞍遡朔風秋草關山人獨去寒衣鄉國信誰通龍沙迥
出三邊外鳥道斜懸萬嶺中千載主恩良不薄崔駟竄處是遼東

曷木迺邏曉發詩

樹杪月猶見城頭角已殘荒途分五國歸騎發三韓野霧依山盡春星落塞寒鳴
鞭及前侶霜露滿孤鞍

晚自雞嶺崖至天龍屯

迢遞回岡抱塞長暮雲歸路劇羊腸馬嘶古磧寒沙白鴉亂荒城落照黃病後關

河空涕淚戰餘身世各蒼茫客游不異松花水日夜滔滔下北荒

按吳兆騫字漢槎吳江人清順治丁酉舉於鄉以科場蜚語逮繫遣戍甯古塔康熙辛酉徐健庵司寇等爲之納緩放歸田里亦成容若侍御力也右詩悉從吳著秋笈集采錄凡關甯安地理掌故者俱編輯入緣吳氏爲清初才子謫居甯城閱年最久而此邦之文明開化實比之唐之柳柳州劉播州焉故甄采獨多云

過甯古塔忽然有感

胡傳

苦夷索虜樂輸珍風雨津梁道里均議款東陲成大錯當年遷省又何人

德林石

胡傳

昔聞崆峒山今履嶮峒石神禹古未鑿此境何年闢疑是水流漩衝激成岩隙或云牡丹江旁注伏流迹輪蹄鞞聲鼓行塔城驛

按胡傳字省三安徽績溪人清光緒十年時隨吳大澂來吉才略恢闊其文刊

入武進盛刻經世文編者頗多嘗以勘界在甯古塔沿邊山中迷道數日不得
出乾餼皆罄後以察辨水流定方向乃得還路嗣入關謁選得臺灣某官乙未
割臺回至廈門以憂憤時勢遽卒

甯古塔

曹廷杰

渤海雄風紀上京金源肇授啓文明四山環拱長河迤東出榆關氣象繁

按曹廷杰字彝卿湖北枝江人清光緒季年曾任吉林勸業道先曾捧檄查勘
沿邊直迄黑龍江下游廟街等處著有吉省地理紀略諸書

近時詩歌

壬戌甯安除夕

樂鍾茲

界天雪嶺銜斜曛塞上家家度歲勤
萬里修翰雞鶩侶七年埋首鶴鵝軍
春醅臘燭貧粗具爆竹鐙吹斷更聞亦擬買山兼買犢
棄官相約事耕耘

人日

陽和漸北行人日喜天晴雪嶺明無滓霜扉澁有聲紙鳶鳴附角竹馬響鑿鑿今
歲春來早東風已解錫

邊城

不是爲封侯邊城七載留放懷吟五字着想動千秋歲月付戎馬功名笑土牛雪
霜渾無賴飛上少年頭

甯安二十一旅四十六歲生日

無情歲月窮偏長未老鬢鬚漸惹霜病裏偷閒殊不惡公餘覓醉更何妨書因擱
置箋都黑書被催成墨淡黃卅六年來猶故我買山久欲隱清涼

春日自遣

踈狂成性惹人嫌謀醉不遑問米鹽逃世無方甘潦倒安貧有夢亦清廉口高塔
影圓如折風暖鳥聲急愈尖大好春光來眼底豪情自放莫謙謙

連日

連日陰晴苦費猜，塞垣春信亦悠哉。
風因解凍示威甚，雨爲開江挾雪來。
滿眼榛蕪荒落久，迎人柳色嫩黃纔。
清明寒食瞬回暖，好脫羊裘換綠醅。

依蘭崗暮歸

江山暮更好，落日淡前村。
渚小聚蝌子，林深見犢孫。
露多緣雨吐，月不礙雲吞。
安步歸來晚，吾廬未掩門。

容嬾

身賤能容嬾，官貧幸有家。
窗虛棲凍雀，檐瘦露冰牙。
鵬雪遜春雪，霜華奪月華。
燈寒人影淡，得句手頻叉。

海林驛間之旅夜

汽笛未終車已停，蕭條旅舍寄伶仃。
窺人夕照淡無色，得月霜華明似星。
客裏吟詩聊少遣，夢中啼別促難醒。
胡牀徙倚近爐火，窗外酸風不耐聽。

返甯安中東路車上

飛渡邊關途幾千舟車便利地行仙鑿山隧穴東西路入水樓臺上下天迎我青
峯來眼底打人黃葉墜窗前且推愁俗隨風去客裏畏寒自聳肩

甯古臺西閣晚眺

民國十一年四月杪盧亂作時

剩水殘山夕照侵邊城高閣客登臨何來青犢奔聲壯不盡紅羊浩劫沉堂國人
材工辣手異鄉景物觸酸心佩刀難割羈愁去惆悵暮天學楚吟
有閣翼然江水隈地名甯古本無臺斜陽倦鳥歸林去荒火猶龍過嶺來負郭農
田棋局似繞城山色畫屏開去時策杖回乘筏且共良朋酌一杯

養晦

養晦自甘投黑塞官清只合住丹江閒臨古篆拾殘紙獨酌家醅對短缸蠅蚋聞
雷翻入室螻蟻報雨暗敲窗新愁不寐夜將半坐聽寺鐘已數撞

丹江

丹江十里好陂塘曳杖逍遙乘晚涼古道低窪翔鶴隼荒村暮氣捲牛羊嵐光入

夏無情碧沙積連雲自昔黃故國興衰增感慨建州今已剩斜陽

不寐

不寐常聞雞窗前月已西好風來夜半溽暑覺天低歧路歌當哭多門夢轉迷狂吟聊下酒松葉斟頽黎

秋日早起

白閣經年住丹江此日過雞聲報曉急蟲語挾秋多染指皴雲石橫肩寫擘窩何時歸去好飽餓玉山禾

新遷

寄廬間半小如襪賃廡兩楹意氣龐看畫嬰兒牽母手誦詩少女學爺腔忙時案牘閒時讀牆外青山門外江新舍乍遷眠不得臥聽嗽石水淙淙夕陽西下渡華缸水底青山半倒撞屋角烟晴催牧笛牆頭帆動過漁艘羣花弄影雲鋪地孤鶴有聲月滿江待睡不來嫌夜永披衣起坐對燈窗

按欒君字星壑號欒欒又號大果子山東棲霞縣人前清附生留學日本歷任鄒平縣知事烟台執法司司長民四隨五旅來甯充軍法官

山行

徐景魁 甯安人

杖策破清曉西風吹曙暎寒烟三岔路流水百家村野寺木魚響荒阡石獸蹲他年結茅室何處關柴門

遙憶

遙憶丹江畔荒寒有我村清風來破牖殘雪擁柴門排演琴書在棲遲著述尊幸無官籍累隨意蓄雞豚

客甯安贈梅種因

申伯勛 奉天鐵嶺人

小啓云昨夕暢聆大致快慰奚如澄鴻雪之游蹤生變賊之互愛仕途踴躍大致相同深佩安貧樂道之言不第茅塞頓開抑且病魔立去矣別後睡不成寐歌枕率成俚句兩章爲君感并以自感不避布鼓雷門竊冀拋

輒引玉錄是閱
政賜和是辛

仗劍囊書萬里行將軍席上坐談兵快舒雲路鯤鵬翼恨聽榆關笳鼓聲漢主登

基求猛士秦皇入甕請儒生人材顯晦隨時局閱盡滄桑氣自平

天涯同是倦游人偶合萍踪證夙因不愛功名驚俗眼惟期著作等君身床聯風雪邊城夜坐對梅花斗室春一事無成儂老大客中徒負歲華新

旅行甯安和佐周所長原韻

寄吾廬主

同是風塵僕僕人天涯握手話前因濟才妙賦三都句閱世尊推百鍊身冰雪於寒侵傲骨雲煙落紙寫宜春時值新年老當益壯期鴻遇德業爭看日日新

崎嶇世路久難行欲破愁城借酒兵客久怕看歸雁影村荒偏聽晚笳聲爪泥踏印成陳跡萍梗飄零誤此生蒼狗白雲多變幻心香有願祝承平

客甯安再贈梅種因

申伯勛

果收瓠瓦效引得夜珠來松竹聯三友香花讀百回調羹家有譜落筆玉成堆忘却相如病高吟呼酒杯

和佐周所長原韻

寄吾廬主

未有瓊瑤報頻勞
蘭錦來唾壺乘興擊梅使
引春來感遺驚人句
慚尋故紙堆枯腸
呼酒潤一韻一浮杯

置酒歌

吳兆騫

臨潢城頭暮吹笛
北斗闌干月將出
金吾置酒坐北堂
銀鞍召客何輝煌
織成罽幘芙蓉捲
紫氍新茵獸文軼
黃羊作饌堆金盤
青驪桐酒揮犀碗
筵前火照明星稀
凝笳急管相依錦
衣如霧聲絳繡寶刀拂
露光霏微須臾月東吐
留賓坐聽鼓還襄
丹綺帷更出紅妝女
金鈿曜紫貂珠珪襲青鼠
的皪芳脣歌便娟
細腰舞沈沈芳^作香闌惻惻
北風彈青蛾扇底蹙青指
絃上寒哀絃聲展閱靈虬
水頻咽但顧羅袖歎詎惜
珠纓絕酒闌華幕坐欲移
徘徊落月秋河低錦鏡車
馬縱橫去應照香塵繞路飛

奉送巴大將軍東征邏察

邏察一名老光烏孫種也
按巴即南古塔將軍巴海

吳兆騫

烏孫種人侵盜邊
臨潢通夜驚烽煙
安東都護按劍怒
麾兵直度龍庭前
牙前大

校五當戶吏士星陳列嚴鼓軍聲欲掃昆彌兵戰氣遙開野人部捲蘆葉脆吹長
歌離韃弓矢聲相磨萬騎晨騰響朱戟千帳夜移喧紫駝駝帳連延巨東極海氣
冥濛際天白龍江水黑雲半昏馬嶺雪黃暑猶積凍結沙飛山
雪皆作黃色蒼茫大磧旌旗行
屬國壺漿夾馬迎料知寇兵鳥獸散何須轉鬪摧連營

申伯勛

伯助于役甯安襄辦選政獲與縣署諸君子共事琴堂不以下走見棄愀愀異常
良殷欽佩梅仲兄多年老友以編縣志來此續結文字緣皆非偶然事公餘之暇
輒假劣詩作拋磚引玉之舉幸承仲英友軒兩兄不吝珠玉賜以和章亦客中愉
快之一端耳姑錄拙作以誌其事

花到河陽滿縣開紅蓮幕裏多英才抱曠留侯資借箸

張君趾祥為
總務科科長

鳴琴單父工阜

財

單君友軒為
會計科科長

更有沙僧具佛法靈根產自西域來

沙君叔泉宗回
為收發主任

各抱長才聊小試

同人有慶叶風雷又開第四選佛場賤子于役蒞是邦濫竽滋愧力棉薄匡壁叨

分諸賢光更喜新雨如舊雨暢談風月形跡忘風雪連天催梅使携來椽筆修縣

志梅君仲英應王縣長聘來編縣志蒲輪帶得早春來萬物呈露懽迎意聖俞本是著作家子喬信

非塵俗吏手創一縣未有書賢者所爭千古事甯古塔城大如斗歲寒何以消九

九跳梁突然嘯小醜防勦忙煞王太守尸位素餐惟老朽敗將怕談碁病軀戒飲

酒閒操大塊磚在手試向老梅拋未久果引瓊瑤與瓊玖對此忻忻開笑口求仁

得仁良非偶諸君寶藏富且有首屈一指友軒友亦能不吝珠玉否

和申佐周所長原韻

單友軒

一自招賢寶閣開王公指王盛督言夾袋羅羣才沙場借指幕友沙叔泉名將充執戟張蓋借指幕友

很趾文官不愛財劇憐周裔襄公後蒙出自文王百子單襄公裔也學寒鴉逐鳳來濫竽齊庭雜

樂侶吹聲嗚嗚如聞雷四屆羅漢快登場申甫申君佐周現充第四屆南安選舉事務所長有神降此邦酒

量豪吸百川水詩句平分日月光倒屣相迎驚四座論交何遜將年忘申尹係老名宿與子為忘

年交梅仙有興遣香使遊戲人間來修志梅種因君皖名宿也聘來修志子嗣之遂得聯交酬唱家住孤山氣骨

清史挾麟筆春秋意仙尉靈根秉逸才

梅君係仙尉
梅君係仙尉

右軍家學殊凡吏

梅君係仙尉
梅君係仙尉

補著

瑯環未有書

曹安志自
此始

搜羅上下千古事忽聽四郊傳刁斗人言匪氛十八九旋發

號令殲羣醜賴有武庫備戰守乃見一叟報老朽

申君好諧
自報老朽

聞驚尙吟詩能飲偏戒

酒騷壇素號斲輪手得句推敲遲回久間投瓊瑤遺佩玖擊碎唾壺成缺口豈真

無獨不成偶嗚嗚金聲世罕有我愧側身文會友還君明珠呼否否

寧安縣志

詞賦

漢宮春

題甯安十里長堤

申伯勛

岸草斜陽沙平渺無際十里春江問今昔潮流事水亦茫茫築堤人去慨世間幾
閱興亡有倦客扁舟夜泛漁歌聲裏滄桑 夾堤垂楊自綠笑灞橋隋岸無此絲
長怕有長亭送別驪唱神傷行程多少倩柳絲爲我衡量更鼓棹江南遠望杏花
一色山莊

滿江紅

題甯安瀑布

申伯勛

破空匹練白茫茫雪浪飛寒聲勢訝千軍萬馬力撼泰山莽莽龍蛇驅萬壑匆匆
烏兔跳雙丸慨政潮類此望何人挽狂瀾 接天漢瀉地盤擅名勝歎奇觀天獨

開生面潤色甯安鏡泊湖中稱特產鯽大盈尺鱗如丹君欲知韻事經誰題碑上看

附錄冰井曲

吳兆騫

朔風吹台圓泉水六尺曾冰凍清泚皎潔偏臨壁甃明岩亭已映銀牀起皜皜銀牀影有重流霜鑒月共玲瓏光凝雲母深含景冷結琉璃半累空可憐少婦爭朝汲錦靴顧步愁無力乍照青蛾青鏡寒欲憑素手晶闌溼日日攜羣幽怨多嚴陰不散碧嵯峨轆轤宛轉霜絲綆泣向寒泉奈若何

附錄新萬古愁曲

徐景魁 甯安人

崑山歸莊有萬古愁一曲慷慨激昂目空一切誠空前未有之傑作也世變愈急人道日益漓觸目傷心爲作新萬古愁歸氏有知當引爲同調也

按新作與舊作同一慷慨激昂可歌可泣因其曲詞甚長茲節錄飛龍索龍尾吟二闕聊窺一斑可想見斯人憂世之心深焉

(飛龍索) 惟有我中華民國開化早溯源皆係炎黃造驅夷狄逐蠻苗迄今開國
五千年擁有同胞四百兆你看那長城巍巍萬里連綿浪胡哨你看那長江滾滾
千派朝宗入海潮唐與虞周和漢文物聲名冠幾朝堯與舜孔和老道德文章載
三教(指耶回釋) 還有那穆滿贏政漢祖唐宗武功赫濯照蠻徼真個是南衝海
海標銅柱北碎冰崖試寶刀

(龍尾吟) 誰知道滄桑變風波鬧赤帝子夷台皂碧眼兒呈矜驕雅片一戰便送
掉了南陲隩尼布一約更失却了東隅早圓明一炬燒烽火三邊擾那倭人兒也
割取我台灣島那捲鬚兒更徒奪我膠和澳拳禍興教堂燒賠款動盈數百兆清
遜位共和曉南北相爭十裘葛總統四易內閣屢倒命令不出都城壕專制加乖
徒掛共和號兵匪相濟只把人民擾都只爲諸老均權利地盤安排牢

長白山賦

並序

吳兆鶯

謫居甯古塔
時作

長白山者蓋東方之喬嶽也晉臣袁宏有言曰東方萬物之所始山嶽神靈之所

宅我國家肇基震域誕撫乾圖景歷萬年鴻規四表則茲山者所以昭應皇輿合
祥帝室與有巢之石樓少典之軒臺同焜耀於方載者也皇上聖文臨御神武膺
符慶洽人祇化隆海嶽仰欽祖德禮報神邱爰詔侍臣致崇禋秩牲璧儷於羣望
懷柔及於百神瑞檢雲陳穹壇星麗煌煌乎聖世之盛儀埒虞柴而軼漢祀矣夫
南山薦馨班固以小臣作頌西嶽展禮杜甫以布衣獻賦草莽微臣竊附斯義乃
作賦曰猗茲山之峻極眇羣嶽而獨尊體青瑀以出震標皓靈而燭坤揭龍荒而
作鎮頰鵬溟以爲門參二儀兮永峙表三成兮莫倫徒觀其大勢也則截薛礮釜
穹窿嶮峽窈窕嶙峋壇漫莽叢迴漠漠以橫被岫嶽堯而極上岨遼碣曠朔孺輪
挹婁睨朝鮮巨喬基於千里造百椒於九天赫兮無儔峭兮迴拔嶺輪糾以爭互
巖巖巖而相峴峯千仞兮縹壁萬尋兮瓊潔鬱騁險兮橫秀諺負高兮埽克五結
切洵東極之神隩詎西崐之可埒爾乃循覽四麓考其周綴爰有黑松巨林臥蔓
黝邃狃天有極繁地靡際既胞坂而連延亦籠山而擁壘根攬危以鱗巖葉繞獵

而羽翳擊莖含颺以鬱蒼攢柯冒霧而叢倚雪兮沈沈霏兮飄飄歛陰火於空心

感陽波於桂葉叶羊至切乍頓道而欲臥忽推壑而側植叶直史切信亥步之未跡知禹窳之

莫管自山麓至半山皆黑松林且三百餘里不見日月樹相糾如網地皆深潭馬行七日乃畢於是黛凝複嶂烟暝虛嵐森梢陬互插爨嘯

嵩景暍暍兮罕曜途溼溼兮增湍而層陰於遙嘯髮荒徑於修巒杏荒岡兮晝含

暮儻寥窈兮夏凝寒其中乃有黑鵬青鶴蒼鷹素鶻皎鵠碧鸚迅鷲俊鴝風騰猛

腦霜披勁翻瞬吭輻輳奮翰猛獾或命儔於杪顛或接巢於枝格隣金眸兮高睇

厲青散兮下擊緇采頰輝殊材異質喧聒相驚淪躍自鶯鼓嘴距以增聲翫羽毛

而成積極翔羣之詭錯咸沸卉而斯集若夫彪騰之儔昆駘之屬伏越長嘯豪豸

振于鬻慶昏影於積岨熊彪騰躡於叢木豺獾斷斷以猛噉新獾驚透而紛遂般

首勁角圍題從日昏嗥晨响風馳雷跌慄林振壑股巖駭谷至乃青鼉黃鼬華貂

文豹挺修豪之溫潤含鵬采之煒烈豆目賜睽麥髯狎獵棲迹曾冰冒蹤盛雪竄

木末而騰越穴巖窺而競捷羌托體於寒陬疇效珍於華闕伊奇類之夥鉤嗟難

得而殫說爾乃林徑欲窮迭溪半墮轉千盤而漸高出九折而逾礙紆蹇產竦嶮

峴豁修渚響湍瀨縈濯龍之滄淵欲納鶯按即雨之雙派殷雷地底倒景天外駭河

流之凌薄劃巖塌而訇磕機鬱盤於迴溪路屢屬於嶮峴澗礙空兮誰涉崖踐虛

兮儼對於是豁闕直裂嵒嶮如憑抗術阡於鳥際超軌躅於雲層邀半漢以上躋

軼隆巔而究升周步山極肆日岩陁曠若砥原坦若廣庭纖條不竦殊榛罕萃寒

蕪莽莽石道冥冥何嶮峻外峙而唐壇內平山梅梅平坦無樹木惟荒烟蔓草滿目縱橫而已爾乃羣巒結瑤以

峻起千岩削玉以攢立頽砭含皓以捲垣崕崕繚素而叢襲遙五色以相煥綿百

里而環羣類瑤臺之假蹇宛瓊樹之削芳石崖高七十丈白如瓊玉四環山頂廣袤八十餘里仰重霄兮可捫俯下

方兮無極互陰晴於膚寸攬星辰於盈尺伏岑嶽而返眺訝雷雨之下黑爰有千

齡之冰太始之雪嵌空峭窞并凌摩崑六尺體體表丈嶮嶮迎素秋而競飛涉朱

炎而自冽嶮壑森凄以月嚙嶮嶮炯晃而鏡澈乍消長於新故疇單究其融結紛

銜耀兮遠映何吹律兮可熱從山趾至巔高二百里其上冰雪盡積歷夏不消爾其混同之本鳴綠之源衍為神

池以宅乎其間

池在由之項頭縱餘五里廣入里北流至松花鳥拉入墨龍潭混同江而流至朝陽為鴨綠江一統志云池廣八十里若點畫

曾瀾廣像靈液淪漣

振以曲碕之礧碎線以裹岸之駢田含靚如拭積明若空乍風披以瀾澹倏霞蒸

而清泚鑿翠巖鱸湍之徑躡雲構鮫人之宮爾乃疏隘陘穴險磴跳潛沫駭奔淥

汨瀆阿而瀉瀑響冰岩而瀕浴徂南驟北趨滄聚猷潛靈源於千頃淪神委於二

江叶姑紅切若其堪寶之所潛演穹蓋之所瀉激灌似確投洞若機疾並騰傾而灑珠

遂奔揚而綴璧羣流既濶四派乃馳瀼瀼崇岑喧厲峻岐颯沓雨集濺洌灑霏挂

流層碧之表淪波空翠之隈倒銀潢而半瀉矯皓蜺而迴飛四月間池水及石罅凍泉先開其出之水凡四派穿白石崖而

下挂流百丈聲若驚雷於是澹沔安翔蜚蠸四會滌滌混濤澎澎振瀨抑魚龍之餘怒集大坻

而為匯潤兮永指鬲兮徐邁四派之水至尼雅穆尼雅庫匯為一流以入於松花鳥拉出乎松花之陬注乎烏龍之外

所以宣天綱之含布壯朔野之襟帶若考其瓌奇之所窟宅珍瑋之所景彰則夜

珠流照於素波頰玉據采於青岡人躡抗莖于椴陰良楛挺筍于松陽人從生于椴樹之陰石崖

外松林極目其間環生楷矢即肅慎氏矢也靈跋駘螭而容與羽人撫鶴而棲翔畢山經以撰異莫茲嶽之靈

長

相傳其上有仙靈往來擅射麋鹿者即雲霧迷徑

至其出納望曦懷吐雲霧苞陰陽以靈秘通元漠而神護小
衆山于塋敦渺七表于指顧嶮嶽則千而未殫縹碧則萬重紛聚頓挺拔之地軸
俛嵯峨之天柱故能上當辰曜仰褭帝居抗基卓舉翔勢扶輿踞蒼門而表神宅
并青岱而闢仙閭赫彤雲之晝聚焯紫氣之晨敷孕造夏之玉宇識臨代之寶符
啓潛躍于聖祖臻景鑠于皇圖藏瑤牒兮可埃涌金精兮詎誣瑞我清兮億載永
作固兮不渝

按清康熙二十一年聖祖遣使祭長白山吳因之作此長白山賦也賦就使者
歸據以上聞後復得大學士宋德宜尙書王士正徐乾學偕明珠子成德等釀
贖緩以進得放還計居甯古塔已二十有三矣

寧安縣志

札記

答徐健菴司寇書札

吳兆騫

兆騫頓首頓首奉書健菴大兄先生足下六月二日驛騎至會雷伏承書問又以僕衣食之憂輟俸相餉爲德甚厚至欲索僕生平撰著付諸剗劂無使泯沒嗟乎此豈僕素望所及哉僕少時謬不自料與海內諸賢馳騖聲譽維時足下兄弟爲先登而僕竊附其後選集錄行類蒙採入今則顛連無告不祥姓名爲人唾棄何敢復出其技以爭鳴當世耶遭難以來十有八年曩時親友罕以書見及惟足下兄弟及葑溪少宰倦念舊故撫慰周恤於義爲已過矣又何可以窮愁之辭重累左右故三年前足下貽書及之而僕逡巡未敢應者以此也今足下終不鄙棄復見徵取乃識大君子之用心而僕之妄自疑度適爲固陋矣然足下無乃睹僕往日而不知僕枯槁之餘豈復有葩華哉古今文章之事或曰窮而後工僕謂不然

古人之文自工非以窮也彼所謂窮特假借爲辭如孟襄陽之不遇杜少陵之播遷已爾又其甚者如子厚柳州子瞻儋耳已爾至若蔡中郎髡鉗朔塞李供奉長流夜郎此又古文人困阨尤者然以僕視之何如哉九洲之外而欲九州之內之人以自比附愈疏闊矣同在覆載之中而邈焉如隔夜泉未知古人處此當復云何以此知文莫工于古人而窮莫甚于僕其工故不窮而能言窮惟其窮故當工而不能工也萬里冰天極目慘沮無輿圖記載以發其懷無花鳥亭榭以寄其興直以幽憂惋鬱無可告語迺托筆墨以自陳寫然遷謫日久失其天性雖積有篇什亦已潦倒潰亂不知其所云矣詩曰已焉哉天實爲之謂之何哉夫知其當已而不能自己於吟者此僕此日之心也古之論文章者不以其人之貴賤榮辱今則不然昔盧次梗與王李七子同時其才固相軒翥不幸下獄其所撰蟻集微元美諸公幾不著因歎古今文人觸扞網羅不遇知已卒以無傳者可勝道哉今海內理平文治日盛足下兄弟得位行道天下文章翕然歸于三徐言論所及藝

林以爲宗今不鄙僕欲序而梓其所作使天下知劫灰寒地猶有燭光則僕雖終
淪廢豈有恨哉少作故有刻稿患難後度已散失請室諸咏稍有存者今所錄詩
賦若干篇皆已亥出塞後作昨歲插哈喇之亂倉卒中遺亡百餘篇睽離日久無
所取正恐日就弇陋不復自知望加刪定以質當世幸甚幸甚兆騫再拜

重修牙城記

清光緒九年

胡傳代副都統容山作

甯古塔爲國家發祥地猶姬周后稷始封之邠山川深阻形勢完固北達三姓可
控赫哲鄂倫春諸部南達瑯春直拊朝鮮之背東襟大海視日本諸島若在咫尺
間東北各邊居中扼要重鎮也俄羅斯侵佔我沿海數千里之地奪我鄂倫春等
部誘結日本謀吞朝鮮自咸豐十年始朝廷慮留守各旗兵力單薄不足以禦敵
增餉練兵遣大臣駐甯古塔督辦防務自光緒七年始於是東陲日益多故光緒
八年秋容山奉命來統甯古塔各旗懼無以稱職汲汲以修武備爲事九年秋集
各旗將領謀大修城垣以資守禦咸以經費無所出各旗生計窘不勝大役對時

吳清卿通政爲督辦大臣聞之恐其事中止遂遣防兵六百來助修牙城以爲之倡閱十日而牙城成工速而費省僅用白金一千六百有奇又閱二十日而通政奉旨抽兵協防北洋以去通政嘗言滿洲俗尙武勇我朝肇興於此率一旅之衆拓地而南轉戰無敵遂一六合今各旗生齒十倍於昔苟簡其壯丁授以利器明賞罰勤訓練使戮力禦俄以自保其鄉里必遠勝於用客兵操防之暇卽令修城既可習勞又可節費兩利之道也容山躡其言故泐之於石以爲各旗勸且爲異日重修大城取法焉非僅爲牙城計也

寧安縣志

志餘

志餘者猶史之有稗也蓋以其事可存而按之例目無可比附故殿以志餘一門用以掇拾遺聞搜羅往事然必其事足以彰風教勵世俗可補前代之掌故俾閱者發思古之幽情而後採錄焉識者當不以蛇足哂之

使清廟通政爲新討大臣觀之恐其市中止遂遣前兵六百來助修牙城以爲
倡聞十日而牙城竣工遂而費官費用自銀一千六百有奇又聞二十日而通
奉皆抽兵協防以并去而政官無所會其式具刊明曉諭於此城一放之
抵地而南極可無險一六合各放牛自之他於者每而某壯子役以形
實而動則能更力者復以自保其地也必是時而南極兵助之而即令修
役可暫勞又可節其兩利之道也若山無其自故城之計有以具合而具其
日車而大城而後是果惟爲牙城計也

自古之國皆重勞兵而重農者不以強互助之

以財得而國計國外事必急其事足以遠慮而計者所自升之奉其財而重
古而各國之計其財而以其事而重之計日而重其財而重其財一門也

本編

齊文選志

甯古塔紀略載滿漢語義

等輩彼此稱呼曰哥阿

有呼名者

朋友曰姑促

稱年高者曰馬發

父曰阿馬

母曰葛娘

大伯曰昂邦阿馬

叔曰曷克赤

子曰濟

女曰叉而漢濟

甥曰濟頰即哈

夫曰畏根

妻曰叉而漢

男人曰哈哈

女人曰赫赫

兄曰阿烘

弟曰多

嫂曰阿什

姊曰格格

妹曰那

小厮曰哈哈朱子

了頭曰叉而漢朱子

好曰山音

不好曰曷黑

吃飯曰不打者夫

吃肉曰烟立者夫

吃酒曰奴勒惡米

吃燒酒曰阿而乞惡米

讀書曰必帖黑呼辣米

射箭曰喀不他米

書曰必帖

黑筆曰非

墨曰百黑

紙曰花傷

硯曰硯洼

金曰愛星

銀曰蒙吾

錢曰濟哈

水曰目克

木曰木

土曰鼈

烘火曰托

炭曰牙哈

有曰畢

無曰阿庫

是曰音諾

不是曰哇喀

富曰拜央

窮曰呀打

人曰亞馬

坐曰突

立曰衣

立行曰弗立米

走曰鴉波

睡曰得多蜜

去曰根吶蜜

來曰朱

要曰該蜜

不要曰辣庫

小曰阿即格

大曰昂邦

買曰烏打蜜

賣曰溫嗟蜜

兩曰央

錢曰即喀

一曰曷朮

二曰朱

三日衣朗

四曰對音

五日孫查

六曰佞我

七日那打

八曰甲工

九曰烏永

十日壯

百曰貪吾

千曰銘牙

萬曰土墨

貂皮曰色克

人淺曰惡而哥打

參考各圖志譯錄滿漢語義

牡丹江亦作穆丹江又曰木丹江

即唐書之勿汗海即瑚爾哈又即富爾

翰

甯古塔貝勒

甯古塔為數之六個也貝勒部長也

窩集即烏稽又即兀稽

古代之勿吉扶餘沃沮等部落名皆此一音之轉即謂之多樹處今森林也

威呼即鱗鱗

獨木舟也

溫得亨

祭祀祝板也

瑪虎頭

小兒所戴面具也

畢展窩集

畢展邊也

海蘭窩集

海蘭榆樹也

畢爾罕必拉

畢爾罕淺水細流也必拉河也

特林窩集

特林搖幌也

富達密卽佛塔密

蒙古語嘔吐也

扎穆圖

蒙古語有路也

薩爾布

開展也

都爾

聲音衆多也

和羅

谷也

合赫窩集

合赫托牀也

舒蘭

果食也

尙吉顏

烟氣也

瑪展亦作密占

長披箭也

尼滿

山羊也

松花卽速末卽粟末卽宋瓦亦卽

松阿里

松阿哩天河也

滿州卽滿珠又作珠申卽肅慎卽女真

音變

依蘭哈拉卽三姓

依蘭數之三也哈拉姓也

碯子卽礪子卽拉子

山戴石者

阿嬾卽駝腰子

坡陀也

阿拉卽橫甸卽佃子卽甸子

平地也

都林

一半也

瑪璵

肘也

愛新

金也

坤春

邊也

柳邊紀略滿洲舊無文字有之自清太祖始明萬歷三十七年二月太祖以蒙古字製國語立滿文行國中命額爾德尼榜式大海榜式立字母十二名曰十二兀柱頭兀柱頭所載與漢人反切相類或一語爲一字或數語爲一字意盡則以兩點節之其書左行與漢反波撇彷彿漢隸蓋蒙古字本從隸書出而滿書又從蒙

古變出旁加以點是以仍近漢隸五代史云增損隸書之半以代刻木之約此一
據也

柳邊紀略甯古塔人每年一次往高麗會甯府互市以八月然命下遣官監視每
年十一月方行市會甯者多以革皮襖布疋往易牛馬紙布甕鹽而書特貴康熙
初姚琢之以明季遺聞易牛一頭

輟耕錄高麗以北名別十八華言連五城也罪人之流奴兒干者必經此其地極
寒海亦冰自八月卽合至明年四五月方解人行其上如履平地征東行省每歲
委官率奴兒干給散囚糧須用站車每車以四狗挽之狗悉諳人性狗站有狗分
例若尅減必嚙其主者至死乃已

柳邊紀略有孔和尚者名元昭江陰人素陰賊每挾私怨興大獄殺人流甯古塔
者以百計余父其一也乙巳丙午間元昭亦以流往無所事日爲人誦經庚午正
月六日其次子忽發狂疾持刀欲殺人元昭懼走乃繞城逐焉唾罵數元昭罪鄰

人助元昭送梅勒章京時封印不治明日辱元昭於公衙門官乃禁之披甲高六家元昭手進飲食惟謹呼二相公而不名其唾罵如故或責之其子曰我非孔和尚子也我葉姓孔和尚詐我銀不得還我獄破我家殺我身我索之三十餘年今乃得之必殺乃已言訖舉室中斷石擊之不中元昭避戶外不敢出聲而進飲食如故十三日甦涕泣求免元昭乃爲言於官釋之數日復持刀逐元昭元昭乃匿於披甲家

柳邊紀略甯古塔船有二種小者曰威弧大者曰五板船三艙合五板爲之合處不用灰釘以木可受十餘人槳長數尺兩頭若柳葉而圓其中人執之左右權若飛五板船富者乃有之威弧隨處有之秋冬則以爲馬槽法喇以木爲之犁有駕車而無輪轆長而輓雪中運木者也駕以牛

省通志康熙九年庚戌二月癸未諭刑部向來定例流徙尙陽堡甯古塔罪人於六月十二月停遣餘月皆令發往今思自十月至正月俱嚴寒之候所徙罪人貧

者殊多衣絮單薄無以禦寒罪不至死而凍斃於路甚爲可憫繼自今流徙尙陽
堡甯古塔罪人自十月至正月及六月俱勿遣

盛京通志康熙二十一年三月初八日赦文諭戶刑二部

上略

惟盛京爲國家肇

基重地朕躬親幸宜沛大澤以示殊恩山海關以外及甯古塔等處地方官吏軍
民人等除十惡等真正死罪不赦外其餘已結未結一切死罪俱着減等

下略

省通志康熙二十一年五月壬子諭大學士等流徙甯古塔烏喇人犯朕向者未
悉其苦今謁陵至彼目擊方知此輩既無房屋棲身又無資力耕種復重困於差
徭况南人脆弱來此苦寒之地風雪凜冽必至顛踣溝壑遠離鄉土音信不通殊
可憫惻雖若輩罪由自作然發遼陽諸處安置亦足以蔽其辜矣彼地尙有田土
可以資生室廬可以安處且此等罪人雖在烏喇等處亦無用也

省通志乾隆元年丙辰九月甲辰諭總理事務王大臣發給黑龍江甯古塔等處
披甲爲奴之犯原係叛逆及強盜減等者此等皆罪惡重大寬免其死發令爲奴

已屬法外之仁而伊等兇惡性成仍復犯法是以定有聽伊主打死勿問之例乃聞各處披甲人等竟有圖占該犯妻女不遂所欲因而斃其性命者情甚可惡且其中有曾爲職官生監而亦受凌辱漫無區別情實堪憫著各該將軍等查明現在爲奴人犯內有曾爲職官及舉貢生監出身者一概免其爲奴卽於戍所另編入該旗該營令其出戶當差並出示曉諭披甲人等俾其痛改舊習儻仍有圖占犯人妻女因而致斃其命者查出仍行照律治罪而爲奴人犯亦不得捏詞挾制伊主嗣後法司定案除真正反叛及強盜免死減等人犯外其職官舉貢生監等有罪應發遣者不得加以爲奴字樣如何分別定例之處該部詳議具奏

省通志乾隆十年乙丑五月癸未諭軍機大臣等昨據奉天將軍達勒當阿奏甯古塔所屬南海德克登伊等處藏匿偷挖人蘆之犯甚衆應行派撥官兵前往查拏請著該將軍與副都統商辦等語從前雖經將軍鄂彌達奏派官兵查拏此等人犯并未實力清除而接任將軍博第巴靈阿等亦不以此爲事蓋因與彼處居

人有所掣肘故止虛應故事前往一次不過拏獲數犯以圖塞責辦理殊屬草率立法禁止之地容此等匪類潛行聚集恐滋事端此次辦理務期實心釐剔永靖地方不得仍前徒務虛名苟且從事著曉諭該將軍巴靈阿知之

扈從東巡日錄丁丑駐蹕大烏喇虞村是日上欲往觀烏稽因雨不果訪之土人云喇母烏稽在松花江東可百里許一曰小烏稽烏稽者漢言大林也中皆喬松及樺柞樹間有榆檉鱗接虬蟠纓山帶澗蒙密紛糾白晝暍膝霜且葉凋略見曦月樹根亂石礧礧錯落無道路車馬過此爲之躊躇爲之屢顧矣人蘧生松樹下翠蕤絳實爛然灌莽間行者穿林之東隅自厄黑木站至喇伐木站西東四十餘里皆林徑也喇伐東行六十里曰昂邦朶朶紅朶朶紅者渡口也又東四十里曰塞赤烏稽樹稠道峻倍於喇母仰視天日窅遼如在洞穴中行度六十里始得平原相傳呼爲大烏稽者是也又東四十里曰曷木遡邏其東北二百餘里有小白山巖岫嶽皴冰雪夏積疑卽宋洪忠宣公皓所徙之冷山也忠宣松漠紀聞亦云冷山

去甯江州百七十里地苦寒

省通志康熙二十一年十二月甲午副都統郎談等自打虎兒索倫還以羅利情形具奏諭議政王大臣等據郎談等奏攻取羅利甚易發兵三千足矣朕意亦以爲然爾兵非善事宜暫停攻取調烏喇甯古塔兵一千五百並製造船艦發紅衣礮烏槍及演習之人於黑龍江呼馬爾二處建立木城與之對壘相機舉行所需軍糧取諸科爾沁十旗及席北烏喇之官屯約可得一萬二千石可支三年且我兵一至卽行耕種不至匱乏黑龍江城距索倫村不遠五宿可至到其間設一驛俟我兵將至淨溪里烏喇令索倫接濟牛羊甚有裨益如此則羅利不傳納我遁而彼之遁逃者且絡繹來歸自不能久存矣其命甯古塔將軍巴海副都統薩布素統兵往駐黑龍江呼馬爾

塞上雜記遼東產蠶之地有二近者鷹額口遠者江獺鷹額在盛京東三百里產蓂少江獺在甯古塔東北去盛京可五千里產蓂多故人皆舍近而趨遠歲於春

三月裹糧行秋七月至其地至則伐木列柵推一人爲長曰山頭衆隨其所之期盡一峯而返人皆以布囊蒙首留二目如面具左手然朽木以驅螻蟻右手持銳木以禦虎豹披荆棘犯霜雪而求之雖山崩水溢勿顧也夜歸柵中葎或蒸或煮貫以線炙乾之聽怪獸之聲繞柵而號巖谷震動間失道暮宿樹杪嚼葎以代食強弱不敵多爲人所劫害霜降以後草木黃落無從辨其根荄採葎之人於是乎歸葎之性背陽向陰喜卑溼地雖草長至尺而苗必高出其上其根遇鐵則爛其苗隔歲一苗未茁者名啞葎如花之歇枝也然採之者有幸不幸焉或終日不獲一或舉一而遇百或數十步外望之有光或以足踐之而不見其形三楹五蕉相對而生一莖獨上而有七節開花如蓍結子如豆由青而黃而紅有異雀黑色而小羣飛啄食之葎子非從雀腹中過墮地則不甲坼其叢生樹下雖物性使然亦雀矢所遺者多耳

柳邊紀略惟江水自長白山流出號人葎水冬月飲冷水亦不傷脾故遷客至此

從無不服水土

噶亨雅錄清定制皇子六齡入學送八旗武員弓馬嫻熟者數人更番入衛受授騎射名曰譜達禮遇次於師傅乾隆以來屢選東三省人充之光緒十三年諭令吉林黑龍江將軍保送數員名三音哈哈即充譜達者也亦兩省任宦之捷徑耳耆老傳述甯古塔清初屬於部落也有云太汗王至甯古塔境界在今縣城迤北二十餘里之薩爾虎屯與朝鮮交兵大敗追兵甚急太汗王即臥於薩爾虎屯原有林邊正在危急忽有老鸛喜鵲紛紛集於身上而追兵以爲既致之驅不往細察因免於難遂卽誓語酬報老鸛因是八旗祀例與國同休卽今之奉天舊宮院尚有按日喂養老鸛之經費並旗族每遇祭祀八旗祖先之時必在院中設得一隻裹祭品肉食等置諸桿上以享老鸛喜鵲亦同其意焉至乘棒皮船渡江實有其事也又聞北京城乾清宮永福殿內保存渡江蓆一領渡江蓆卽棒皮船之別名也

清季甯古塔貢品

鱒魚四罈 冰解派官兵網取四月初旬送省

鏡泊湖鯽魚二百尾 冰凍派官兵網取十月內送省

佃雄麻鷄九架 立秋前送省

鹿烏查肉三十方 鹿肘條肉三十把 鹿尾三十把 鹿腰條肉四十五把

鹿胸查肉三十把 鹿大腿肉四十五把 此六色於九月內送省

鹿尾五十個 山鷄一百隻 山楂四罈 山梨四罈 虎槍桿四十根 楊木

箭桿二百根 樺木箭杆二百根 樺樹皮五十捆 稗子米一斗六升 苔當

麥米一斗六升 此十色均於十月內送省

按各貢品向例按時送省由將軍彙總派員運京惟屬於鹿肉等貢品原由八旗兵丁圍獵所獲積齊以貢嗣以咸豐時軍事繁興兵丁不暇圍獵始循例價買配貢至光緒二十四年因地多開闢鹿價昂貴兵丁無力措辦經吉林將軍

奏請停止其餘湖鰾楂梨麥米等項仍舊備貢延至二十六年鑾輿西行復請罷貢乃一律停止矣

滕半仙者不知其名山東籍同治間流轉吉林初會城至琿春必經甯古塔滕以紆獨身鑿山開路閱二十餘年防軍卒成之觀舊近四百里今黑石道是也生平無他嗜好敝衣履長物一椎一鑿所在義而飲食之後不知所終因名以半仙云

游學官古蹟遺品

鯽魚四頭 冰河派官兵測取四月初旬送京

鮭泊湖鯽魚二百尾 冰河派官兵測取十月內送京

御草履編九架 立秋前送省

鹿茸鹿角三十方 鹿茸鹿角三十把 鹿尾三十把 鹿胎鹿肉四十把

鹿胎鹿肉三十把 鹿大鹿角四十把 鹿小鹿角四十把 鹿尾四十把

鹿尾五十把 山藥一百斤 山藥四頭 山藥四頭 鹿茸鹿角十把 鹿尾

鹿茸鹿角十把 鹿茸鹿角十把 鹿茸鹿角十把 鹿茸鹿角十把 鹿茸鹿角十把

鹿茸鹿角十把 鹿茸鹿角十把 鹿茸鹿角十把 鹿茸鹿角十把 鹿茸鹿角十把

鹿茸鹿角十把 鹿茸鹿角十把 鹿茸鹿角十把 鹿茸鹿角十把 鹿茸鹿角十把

鹿茸鹿角十把 鹿茸鹿角十把 鹿茸鹿角十把 鹿茸鹿角十把 鹿茸鹿角十把

鹿茸鹿角十把 鹿茸鹿角十把 鹿茸鹿角十把 鹿茸鹿角十把 鹿茸鹿角十把

甯安縣志

創修甯安縣志碑記

王世選

邑之有志猶國之有史也觀於史而知一代盛衰之蹟觀於志而知一邑沿革之源誠以廣谷大川異制民生其間者異俗官是邑者欲察士民之好惡習尚之奢儉以期因勢利導舍志乘何由哉甯安固大邑也吉省之聲明文化淵源所自顧方輿之記自昔無聞先哲訓方之學水經之考簡籍如林徒以甯安地處邊隅記載勿及識者嘆闕如焉然自有清康熙初裁昂邦章京改誌甯古塔將軍後中原才士以謫戍來者一時稱盛而所謂秋笳集柳邊紀略著錄於清朝文苑者仍寥寥焉迄今故老傳聞徒存彷彿世選來宰是邦每與地方紳耆興談及此輒引爲憾問嘗以斯邑幅員廣袤山水雄奇觀夫人文之秀美物產之瑰厚洵沃野天府稱關外之名都焉若歷朝疆理之原建置之迹以及名儒宿彥懿行美德皆湮沒而無與表著將何以紹前聞而勸來茲况余吉省人也桑梓敬恭誼當自任用邀

紳耆創修縣志並聘梅君文昭爲總輯單君友軒助之甄錄而體例大凡則就魏君聲蘇時相商權其贊余者實多惟成書僂促搜羅未廣尙望後之臨茲土者訂其訛誤補其闕失踵是纂脩俾此邦文獻仰止有資則尤余之深願焉語曰不有作者莫開其先不有繼者莫善其後此物此志還與我甯安人士共矢之是爲記

正德

寧安縣志

王縣長傳

王公世選字伯康吉林縣人世有通德起家儒學性慷慨尙道義有節操幼留學國內卽關懷時局值清末造憤國政日蹙負笈東瀛入明治大學習政治經濟思以學術補救時艱吉林 民政長齊公器之命兼代留日學生經理員每遇日人對待中國學生有無理事 公必誓死力爭屢經艱險所全實多畢業得學士位歸國後被選爲吉林省教育會長正當時事多故外交屢起如遼源交涉林礦借款及延邊日人設警修路種種巨案 公以學界領袖常起而聯絡地方團體士紳合力抗爭賴以保護主權作政府後盾者匪尠邦人至今稱道弗衰 公任教育會長七年並歷兼吉林縣勸學所長省立法政校長圖書館長通俗教育館長此間曾三次被舉爲全國教育聯合會吉林代表赴浙赴滬赴晉與會對於全國教育多所擘畫并迭赴直魯閩粵等省攷察專門實業數年以來對於地方及全

省教育推廣振興之處不勝枚舉九年被舉爲省代議士旋代表議會參與中央
地方行政會議在都與各省議會代表會議全國縣自治制及市鄉自治制 公
擔任審查建議殊多會閉特蒙勳獎又以辦理吉奉軍潮善後及直魯豫秦晉五
省賑災最著勞勩大吏賢之累列剡章洵擢簡任是未仕以前已深繫家國之望
及權教育廳長未及兩月卽籌增省教育經費五萬元各國留學及義務教育經
費賴是以裕迨 公堅辭教職當道以 公有治才復調權甯安縣篆時十一年
九月也公蒞甯甯甫將兩稔而甯竟稱治其犖犖大端者有如籌防慎密也修城壕
計共長一千三百二十八丈沿壕築炮台十三座編制附團千名分駐險要復時
常輕車簡從周巡防所清查盜匪詢民疾苦雖冒寒暑不殫勞又如財務整頓也
地方糧捐及各項雜捐爲警學團底款 公到任後則剔除舊弊另訂新章取其
攷成未及一年款得增收至四百餘萬吊其內如海牡兩站糧捐前已撥歸符別
區 公以職責所在迭經侃侃力爭卒仍歸縣有警學團各款特以維持焉又如

學務振興也清丈學田增益房租歲增學款百餘萬吊復創立二部師範學校以培師資推廣義務教育而謀普及再如監獄改良也 公嘗籌款重建獄舍仿分室隔居制復設備醫藥病囚大減凡關牢中積弊靡不躬自檢查而剔釐淨盡他若獎訪節孝以端風化舉辦市政以利交通出放水田以興農業催辦換照以增收入創立車會軍行稱便而民免苦累復善折獄如燃犀燭物經年積案一訊而服凡此皆治功之卓卓者頃者 公又以甯城自古爲東省名都文獻稱盛徵召父老集議創撰縣志經年蒐採殫精竭慮而後書得觀成弄 公毅力倡辦曷克臻此 公嘗謂人曰若人各有責任心天下事無不舉國家政無不理如 公可謂知行合一者歟郡人以是書之成於邑有光而 公實力主之欲并傳公平生事蹟附列志末以誌不忘而推 銘撰草 銘甯之末學也誠懼詞拙識淺不足以表彰公 之鴻業然不能自己於言故特略述梗概是爲傳甲子敦牂塔城張志銘撰

傳統商請入志 公堅持不可益見其謙德也 文昭 歷援直魯先例曠代附此欲知 公從政事業者聊當其 心史觀 可耳 編者文昭識

此乃... 之... 也...

... 之... 也...

... 之... 也...

... 之... 也...

... 之... 也...

... 之... 也...

... 之... 也...

... 之... 也...

... 之... 也...

... 之... 也...

... 之... 也...

... 之... 也...

寧安縣志

跋

編志與著書難易不同也著書如貨儲倉庫有則出之編志則不然幾如成一藥籠凡天生地產甘苦酸辛經若干人採集之由一二人審其性質而炮製之又如成一百衲凡碎錦殘帛長短方圓輕若干人聚積之由一二人量其尺寸而縫紉之是以謂編志難於著書也茲寧安志內得 伯康縣長毅力提創而監理焉外得地方多數 士紳熱心襄助而採訪焉並賴名宿魏君劭卿芟潤 單君友軒蒐集焉歷十有一月而始竣事語云衆志成城今信然也此不啻士子入棘闈畢業生入試驗場幸得刻期完卷誠爲大快矣 昭 學識疏迂謬膺總輯深懼弗勝

亦若藥之不善炮製衣之不善縫紉而殫精竭慮勉力爲之者
用副 伯康縣長鄭重文獻之志而遂昭成就一書之願而已
究之踵成較易創始多艱今在昭視之仍爲不完全一藥籠不
完善一百衲希冀後之 博雅君子刪繁補闕益求精密以成
審志之大觀實爲辦香所禱者爾

中華民國十三年七月

銅陵梅文昭謹跋